

حزب عدلیہ

۲۰ صفر ۱۳۲۸ چار شنبہ ۱۷ شباط ۱۳۲۵

نومرو ۶

برنجی سبہ

قِسْمِ شَرِیْعَتِ

نوبہات عدلیہ

یرہ ناحیہ سی بدایت محکمہ سی ریاستی پولہنت بدایت محکمہ سی رئیس سلیمان ناکب افندی یہ ، اخلاط
قضاسی بدایت محکمہ سی مدعی عمومی معاون کی موش سنجائی بدایت محکمہ سی مستطقی مجید افندی یہ
حلب ولایتی مرکز بدایت محکمہ سی اعضائی مرعشده دعوی وکیلی اعضای سابقہ دن مانوق قرہ مانیان افندی یہ
بیروت بدایت محکمہ سی اعضائی یافہده دعوی وکیلی مکتب حقوق مأذونلرندن سلیم اسحق ہراری افندی یہ
سنیچہ سنجائی بدایت محکمہ سی اعضائی یکی واروش قضاسی بدایت محکمہ سی اعضاسندن دراغوطیہ افندی یہ
غستوار قضاسی بدایت محکمہ سی جزا دائرہ سی ریاستی اورخانہ قضاسی بدایت محکمہ سی مدعی عمومی معاون
رمضان افندی یہ ، اورخانہ قضاسی مدعی عمومی معاون کی مکتب مذکور دن مأذون محمد امین افندی یہ
غستوار قضاسی بدایت محکمہ سی مدعی عمومی معاون کی قوصوہ ولایتی مرکز بدایت محکمہ سی جزا دائرہ سی
باش کاتبی حسین ضیا افندی یہ ، قالقاندلن قضاسی بدایت محکمہ سی جزا دائرہ سی ریاستی ترغویشته قضاسی
بدایت محکمہ سی مدعی عمومی معاونی مسعود سہمدالین افندی یہ ، فیلات قضاسی بدایت محکمہ سی مدعی عمومی

معاونتلى مکتب مزبور ماذونلردن زين العابدين افندى يه، مرسين سنجاغى تجارت محكمهسى رياستى مکتب مزبور ماذونلردن عبدالله افندى يه تفويض بيورلمش وموماليهمدن محلف اوليانلردن بوراده بولسانلرك اصول مقررده وجهله امر تحليفلى ديكرلىرى ايجونده محلفينه تبليغات لازمه اجراسى دردست بولمشد.

بايزيد سنجاغى بدايت محكمهسى مدعى عمومى معاونى سلامى افنديك عزليه يرينه ارضروم دعوى وكيللردن ومکتب حقوق ماذونلردن ناظم افنديك تعيينى خصوصنه اراده سنيه جناب پادشاهى شرفتعلق بيورلمش واجراى تحاييفى محانه دردست تبليغ بولمشد.

اطنه ولايتى مركز تجارت محكمهسى اعضالغنه محكمه مذكوره باش كاتجى نوري ومکتب حقوق ماذونلردن كيرياقو افنديلرك اجراى مأموريتلى خصوصنه اراده سنيه جناب پادشاهى شرفتعلق بيورلمش وموماليهمانك اجراى تحليفلى ايجونده محانه تبليغات ايفاسى دردست بولمشد.

سرفيجه سنجاغى بدايت محكمهسى اعضالغنه قرچوه بدايت محكمهسى جزا دائرهسى رئيس داودافنديك مناسترولايتى بدايت محكمهسى اعضالغنه ولايت مذكوره سرمستطقى محرم افنديك انك يرينه ولايت مذكوره استيناف محكمهسى اعضا ملازمى خالد افنديك انك يرينه ولايت مذكوره بدايت محكمهسى اجرا مأمورى عارف افنديك مناسترولايتى بدايت محكمهسى اعضالغنه ايلبسان سنجاغى بدايت محكمهسى اعضاسندن يورغاكي افنديك انك يرينه سرفيجه سنجاغى بدايت محكمهسى اعضاسندن طودوراكي افنديك انك يرينه كوريجه سنجاغى بدايت محكمهسى اعضاسندن ياقوسامى افنديك نقل وتعيينلى خصوصنه اراده سنيه جناب پادشاهى شرفتعلق بيورلمش وموماليهمدن محلف اوليانلرك تحليفلى دردست اجرا بولمشد.

نابلس سنجاغى بدايت محكمهسى مدعى عمومى معاونلى ملى سنجاغى بدايت محكمهسى مدعى عمومى معاونى اديب انك يرينه ساقز سنجاغى بدايت محكمهسى مدعى عمومى معاونى پرتو انك يرينه سوكة قضاسى بدايت محكمهسى جزا دائرهسى رئيس خيري انك يرينه طاشوز قضاسى بديت محكمهسى جزا دائرهسى رئيس اسماعيل حقى انك يرينه قواله قضاسى بديت محكمهسى مدعى عمومى معاونى سابقى نيازي انك يرينه برات سنجاغى بدايت محكمهسى اعضالغنه پرمدي قضاسى بدايت محكمهسى اعضاسندن صفوت مجدداً تشكيل اولنان پلو قضاسى بدايت محكمهسى جزا رياسته مکتب حقوق ماذونلردن خورشيد سالانيك استيناف محكمهسى جنجه دائرهسى رياسته رئيس سابق على رضا استيناف محكمهسى جنجه دائرهسى اعضالغنه برنجى جزا محكمهسى اعضاسندن حسين حسنى وقسطاكي ومركز مقاولات محررى ثريا ومناستر بدايت محكمهسى اعضالغنه منتخب معلم يوان مانوليف افنديلرك نقل وتعيينلى خصوصنه اراده سنيه جناب پادشاهى شرفتعلق بيورلمش وموماليهمدن محلف اوليانلرك اصول مقررده وجهله تحليفلى دردست اجرا بولمشد.

كوريجه سنجاغى بدايت محكمهسى اعضاسندن پنايوط افندى ايله ايلبسان سنجاغى بدايت محكمهسى اعضاسندن صوطيرشونده افنديك اجراى بجاش مأموريتلى وكوريجه سنجاغى بديت محكمهسى جزا رياسته

مناستر استيناف اعضاسندن حسن فهمى افنديك انك يرينه مناستر استيناف مدعى عمومى معاونى خالد افنديك انك يرينه فيلورينه قضاسى بديت محكمهسى جزا رئيسى على رضا افنديك انك يرينه رقهلى قضاسى بدايت محكمهسى جزا رئيسى حسين افنديك انك يرينه اوعرى قضاسى بدايت محكمهسى جزا رئيسى خاتم افنديك انك يرينه اوعرى قضاسى بدايت محكمهسى مدعى عمومى معاونى على رضا افنديك انك يرينه پكلىن قضاسى بدايت محكمهسى مدعى عمومى معاونى على سري افنديك نقل وتعيينلى خصوصنه اراده سنيه جناب پادشاهى شرفتعلق بيورلمش وموماليهمدن محلف اوليانلرك تحليفلى دردست اجرا بولمشد.

عدليه مفتشالكنه تجارت بحريه محكمهسى رئيسى يواناكي افنديك انك يرينه بك اوغلى بدايت محكمهسى مدعى عمومى عارفى بك انك يرينه اسكدار بدايت محكمهسى مدعى عمومى جعفر الهامى بك انك يرينه درسمات مستطق اعضاسندن مظهر بك انك يرينه خداوندكار ولايتى استيناف محكمهسى جزا دائرهسى رئيسى ابراهيم ادهم بك انك يرينه سالانيك عدليه مفتشى اسماعيل حقى بك نقل وتعيينلى خصوصنه اراده سنيه جناب پادشاهى شرفتعلق بيورلمش وموماليهم ذاناً محلف بولمشد.

آلاصونيه قضاسى بدايت محكمهسى جزا دائرهسى رئيسى قهرمان جزمى افندى ايله قيار قضاسى بدايت محكمهسى جزا دائرهسى رئيسى احمد رفيق افنديلرك اجراى بجاش مأموريتلى خصوصنه اراده سنيه جناب پادشاهى شرفتعلق بيورلمش وموماليهما ذاناً محلف بولمشد.

بك اوغلى بدايت محكمهسى ايكنجى حقوق دائرهسى رياستى درسمات ايكنجى تجارت محكمهسى رئيسى محمدعلى مير افندى يه تفويض بيوراش وموماليه ذاناً محلف بولمشد.




تبليغات عموميه

عدليه نظارت جليله سندن صورت عموميه ده تسطير اولنان ۱۲ صفر سنه ۱۲۸۸ و ۹ شباط سنه ۱۲۸۵ تاريخلى تحريرات صورتيدر:

حجاز ويمين وطرابلس غربه كشيده ايدلك اوزره توديع ايديلان رسمى تلغرافنامه لره دواثرجه طريق اشارتى وضع اولناماسندن ناشى استانبول تلغراف مركزينك حكم وتقديرينه كوره بونلر بعضا درنه، كله مش تلسر تلغرافى واسطه سيله ويا بيروتدن پوسته ايله وبعضاً دخى طوغرىدن طوغرى يه قابلو واسطه سيله محلفينه كشيده ايدلكده ايسه ده تلسر تلغراف خطنك تاثيرات هوايه وسائر الجاسيله على الاكثر ايشايه.

مامسی و طرابلس خطوط بریه سنکده انقطاع ایلمسی کی اسبابه منی مذکور تاغرافنامه لک کشیده سی امرنده غیر اختیاری بعض تأخرات وقوعه کاهرک بوده دوائر عائد سنک موجب شکایاتی اولدیغندن و طوغریدن طوغری به قابلو طریقله کشیده اولنان بومثللو مخبرات رسیده ایچون قابلو قومانیه سنه حکومتجه بر مبالغ جسم ویرلمکده اولمسنه کوره مارالذکر تاغرافنامه لردن هانکیلرینک مستعجالتی اعتباریه قابلودن وهانکیلرینک پوسته ویا تلسمز تلغرافدن امراری ایجاب ایدم جکنک تقدیری تاغراف مرکز لردن زیاده دوائر متعلقه سنه عائد بولندیغندن بحمله هم آتیا بوباده وقوعی ماعوظ اولان تأخرات و شکایات رفع وازاله ایدلمک و عمده حقوق حزیته نک امر صیانت و محافظه سی حصوصنده کی وجیهه رعایت قلمش اولق اوزره پک مستعجل اولوبده قابلو واسطه سیله کشیده سنه ضرورت مس ایدن تاغرافنامه لر عدد کلماتک ممکن اولدیغی قدر قصریله برابر اوزر لرینه (قابلودن) اشارتک و ازچوق تأخرنده بآس اولمان خصوصاته متعلق و طرابلس غریبه عائد اولانلره (تلسمز تاغراف واسطه سیله) و حجاز ویمنه کشیده قلنه جقلره دخی (بیروتدن پوسته ایله) عباره لرینک وضعنه دقت و اعتنا اولمسی اسباب و وسائیلک استکمالی خصوصی پوسته و تلغراف و تلفون مدیریت عمومیه سنک اشعارینه عطفاً مالیه نظارت جالیله سندن بیلدیرلمش اولمغه اولوجهله ایضای مقتضای متمنادر.



محکمہ تمیز مقرراتی

محکمہ تمیز هیئت عمومیه سندن صادر اولان ۱۹ جمادی الاخره سنه ۱۳۲۷ و ۲۵ حریران سنه ۱۳۲۵ تاریخلی و ۱۳۲۰ نومرولی اعلامک صورتیدر :

تمیز استدعانا مه سنده اسباب نقضیه نک مندرج اولمسی ویا مستدعیک ایریجه لایحه ویرمامش اولسی تدقیقات تمیزیه ایفا سنه مانع اوله ماز

احکام قوانین و نظاماتک اجراسنه مخالفت ایچون صرف نفوذ استدکری ادعا قلنان ناقوقوشنی ایلد واسیلک بالحاکمه بیکر میشر کون حبس لرینه دائرایکنجی دفعه اوله رق سیروز سنجانی بدایت محکمه سی جزا دائره سندن تنظیم واعطا قلنان ۱۶ تشرین ثانی سنه ۱۳۲۴ تاریخلی و بشیوز قرق ایکی نومرولی اعلامک تمیزاً تدقیقی طلبی حاوی مرقومان ناقوقوشنی و واسیل طرفلرندن شرائط لازمه سنی بالایفا مدت قانونیه سی ظرفنده اعطا قلنان استدعانا مه واوراق متفرعه سی باش مدعی عمومیلک مأموریت بهیه سندن با تبلیغنامه محکمہ تمیز

استدعا دائره سنه تودیع اولمغه لدی التدقیق؛ مستدعیلر جانبندن لایحه اعتراضیه ویرلمسی و تمیز استدعانا مه سنده ده اسباب نقضیه درمیان ایدنامسی نقطه سندن مذکور استدعانا مه نک رد وقبولی امرنده دائره مذکورده جه تساوی آرا حاصل اولمسنه منی کیفیت محکمہ تمیزک هیئت عمومیه سنده تدقیق و ایجابی مذاکره اولندقدده اصول محاکمات جزائییه قانوننک اوچیوز یکرمی اوچنجی ماده سنده جنجه و قباحته دائر اولان تمیز استدعانا مه لرینک تاریخ تفهیم حکمندن اعتباراً سکنر کون ظرفنده تنظیم واعطا اولمق لازم کله جکی کوستریلوب اصول مذکورک یوز سکنان انتجی ماده سنک صراحتی وجهله اسباب استینافیه سی حاوی اولسی مشروط اولان استیناف عرضحالری مثللو ذکر اولنان تمیز استدعانا مه سنک دخی اسباب و اعتراضات تمیزییه سی جامع اولسی لزومی ارائه ایدن بر قید و شرط مذکور اولمامسنه و سالف الیاب اصول محاکمات جزائییه قانوننک اوچیوز یکرمی سکننجی ماده سنده کوسترلدیکی اوزره تمیز استدعانا مه سیله برلکده و یا خود ایدن صکره مرور ایدن اون کون ظرفنده تمیز استدعاسی موجب اولان اسبابی حاوی مستدعیلر جانبندن تنظیمی کوستریلان لایحه نک کیفیت تنظیمی و تقدیمی ماده مذکورده نک «ویره بیه جکدر» یولنده کی سیاق مندرجاتی اعتباریه تحت مجبوریتده اولمایوب بو وجهله بر لایحه سی استدیک حالده مستدعینک اعطایه صلاحیتی اولدیغی متضمن بولمسنه نظراً تمیز استدعانا مه لرینک ردی انجق مدتی ظرفنده اعطا و شرائط لازمه سی ایفا اولنماق و یا خود تمیزی طاب اولنان مقرراتک قابلیت تمیزییه سی حائز اولماق کی احوالده مرعی اوله رق مدت معینه سنی محافظه ایتش و شرائط سائر سنی دخی اکمال ایلش اولان مستدعینک لایحه ویرمامسی ویا استدعانا مه سنده اسباب نقضیه مندرج اولمامسی مستلزم رد اسباب قانونیه جمله سندن اولدیغی جهتله مستدعیلرک اولبابده کی استدعانا مه لرینک قبولیه دائره عائد سنجه اساس ماده حقنده تدقیقات تمیزییه اجرایی لازم کله جکنه متفقاً قرار ویرلدی.

محکمہ تمیز استدعا دائره علیه سندن صادر اولان ۱ محرم سنه ۱۳۲۸ و ۳۱ کانون اول سنه ۱۳۲۵ تاریخلی و ۲۴۶۳ نومرولی اعلامک صورتیدر :

«شاهد لک افادات مضبوطه سیله اثنای محاکمه ده کی بیاناتی اره سنده موجود مباذت اوزرینه تدقیقات اجرا و تحقیقاتک توسیع و ضبط ورقه سنک عیناً و یا خلاصهً اعلامه درج اولمامسی نقض حکمی مستلزمدر»

سلانیک ولایتی مرکز بدایت محکمه سی جزا دائره سندن تنظیم واعطا و ۲۲ اغستوس سنه ۱۳۲۵ تاریخنده امر تفهیمی اجرا قلنان ۲۳ اغستوس سنه ۱۳۲۵ تاریخ و یوز التمش نومرولی اعلام استینافینک تمیزاً تدقیقی مستدعی اوستویان ولد طریو و بوژین ولد یوان جانبندن مشترکاً ویریلان استدعانا مه واوراق متفرعه سیله برلکده باش مدعی عمومیلک مأموریت بهیه سندن با تبلیغنامه ۲۳ کانون اول سنه ۱۳۲۵ تاریخنده محکمہ تمیز استدعا

دائرة سنده توديع ايدلمش ولدي التديق مذکور استدعا نامه نك مدت معينه ي ظرفنده اعطا و شرائط لازمه سائر سنده دخي ايفا قلنديغي اكلاشلمش ايدو كندن بالقبول تدقيقات تميزيه اجرا سنده ابتدار قلندي .

اعلام مذکور خلاصه مفادی؛ یوان ولد بوژینك اثنای راهده او كنه چيقه رق در سنده قیام و فرار ایتسی اوزرینه برای اخافه ارقه سندن ایکی ال سلاح انداخت و مرقومك دوشوردیكي قوجوغيله حیوانك چولنی اخذ ایتدكلی ادا قانان مستدعی مرقومان اوستویان و بوژینك قانون جزانك ایکی یوز اوتوزنجی ماده سی حکمنه توفیقاً و سلاح انداخت ایتلرینك سبب شدت عديله اوچر بچق ماه حبس لرینه دائر لاحق اولان حکم ابتدائی اعلامنك مرقومان جانبندن استیناف ایدلمسی اوزرینه غیاباً و اخیراً وقوعبولان اعتراض اوزرینه و جاهاً جریان ایدن محاکمه و تدقيقات استینافیه نتیجه سنده اعتراضات استینافیه هیئت حاکمه نك حق تقدیرینه طعن و تعریضدن عبارت اولوب فسخ حکمی مستلزم احوال دن کوريله مدیکندن و بناء علیه اعلام مذکورك موافق اصول و قانون ایدو كندن بخله تصدیقه قرار ویرلدیكنی متضمندر .

تمیز استدعا نامه سنده؛ اعتراض علی الحکم اوزرینه صادر اولان اعلام استینافی حکمنه عدم تناعله تمیز دعوی ایتدكلی بیان ایدلمش تبلیغنامه ده دخي حکم لاحق وانكل ایله محمدك اخبار لرینه و مشتکینك ادعا سنده مستند اولوب بولردن وانكل معتزلردن اوستویانك رفیق اولوب استنطاقاً منع محاکمه سنده قرار ویریلان رسته مارقونك مانلهر تفکیله مشتکی بانهقیب ترك ایتدیكي قوجوغنی یردن مرقوم استویان الیغنی و سلاح اتدیغنی ده دویمادق لرینی کوماجنه ناحیه سی منطقه قوماندانی طرفندن تنظیم قلنان ضبط ورقه سنده و تعرض ایدن ایکی شخصدن یالکیز اوستویانی طانیوب تقریق ایده مادیکنی و وقوجوغنی اوستویان دکل تشخیص ایده مدیکی رفیقی الیر ایکن کوردیکنی و اوستویانده سلاح اولدیغنی استنطاق دائره سنده یکدیگرینه مابین صورتده اخبارانده بولندیغنی و دیگر شاهد محمد ایسه وانكلک بالاده مندرج افاده سی وجهله مذکور ضبط ورقه سنده حکایه ایتمش و سلاح اتدیغنی دویمادقنی و اوستویانك رفیق رستو اولدیغنی بیلدیرمش ایکن دائره استنطاقده بوکا مخالف اوله رق مظنون استویانك رفیقی یانندن کچدیکی حالده طانیه مادیغنی و ایکی ال سلاح آتلمش ایسه ده کیملرك اتدیغنی اره لرنده کی تپه نك حیوانته مبنی کوره مدیکنی و استویانده روولور و دیگرنده مانلهر تفکی بولندیغنی بیان و بدایه جریان ایدن محاکمه ایسه تحقیقات اولیه ده رستو اولدیغنی و استنطاقنامه ده طانیه مادیغنی سولدیکی شخصك بوکرده مستدعی بوژین ایدوکنی و مشتکی قاجقده اولدیغنی بر صررده مظنونلرك سلاح اتدق لرینی تحقیقات اولیه و استنطاقیه ده کی ایضاحانه مخالف بر صورتده ادای شهادت ایتدكلی و وانكل یالکیز قوجوغك و محمد ایسه قوجوق ایله ونجه نك اخذ ایدلدیکنی و مشتکی دخي استویانك روولور و رفیقنك مانلهرله بر دفعه سلاح اتدق لرینی تحقیقات اولیه صر سنده و سلاحلرك ارقه سندن هانکیسنی اتدیغنك فرقنده اولمادیغنی و استویانده سلاح کورمیوب دیگرنده تفنك بولندیغنی دائره استنطاقده و هیچ برسنك سلاحی طانیادیغنی ده اثنای محاکمه بر صورت متخالفده بیان ایتسنه کوره شو ماینتك کافه اقسامی یکان یکان

مشتکی به ایضاح ایدیلرک تأیینی و عقیب وقعه ده معتزلرك ترزی قولورشه و یوان پترونك دکرمنلرینه کیردکلی دخي جمله اخباران دن اولوب ذات ماده نك منافرت مایه موجود اولان ایکی جماعت افرادی آر سنده تحدت ایتسی ملاسه سیله بولرکده بالجاب تدقیقات توضیح و مدعی عمومی معاوننك برأت طلبنك اسباب موجب درمیانیه ردندن و ضبط ورقه سندن قرائتیه اعلامه درجندن و شهود حقنده کی طعنك اوزرینه ایزوج، تدقیقات اجرا سندن ذهول اولمسنندن ناشی محکمه استینافیه جه حکم ابتدائیك فسخیله نتایج حاصلیه کوره کیفیتك قراره ربطی لازم کاور ایکن حکم مزبورك تصدیقی جهتنه کیدلمسی مخالف قانون ایدو كندن بخله ذکر اولنان اعلام استینافینك قضی لزومی مرقم بولمشددر .

ایجابی لدی المذاکره ؛ اوراق متعلقه مندرجاتندن منظم اولدیغنی اوزره درجه اولی محکمه سنجیه مظنون بوژین ایله اوستویانك تحدید جزالرینه دائر لاحق اولان حکمك باشلوجه اسباب ثبوتیه سی شاهد وانكل ایله محمدك اخباران دن عبارت اولوب حالبوکه تفصیلاتی بالاده مرقم تبلیغنامه ده بیان و حکایه قلندیغنی و جهله شاهدان مرقومانك ضابطه و استنطاق دائره لرینجه ضبط اولنان افاداتی ایله اثنای محاکمه ابتداییه ده سبق ایدن بیاناتی یکدیگرینه مابین و متناقض اولسنه مبنی شهادت مذکورده کی تعلیل و درجه حکم و قوتی تغیر و تبدیل امرنده حائر تأثیر اولان مابین مذکورده ن طولانی کندولردن اخذ ایضاحات صورتیه تدقیقات لازمه اجراسی و علی الخصوص مظنونلرك عقیب وقعه ده ترزی قولورشه ایله یوان پترونك دکرمنلرینه کیردکلی جمله اخباران دن اولسنه و ایشك حال حاضری دلایل ثبوتیه جمع و استحضارینه احتیاج کوسترمکده بولمسنه مبنی مرقومانك دخي جاب و افاده لرینه مراجعتله تحقیقات موجوده نك توسیعی لازم کاور ایکن محکمه مذکورده جه صور محرره یه توفیق معامله اولمامقله برابر سالف الیان ضبط ورقه سندن دخي عیناً و یا خلاصه اعلامه درج ایدنامش اولسی مستلزم فسخ نواقص و خطایان دن اولدیغنی حالده عندالاستیناف شواحواله قارشو حکم ابتدائیك موافقت قانونیه سی یولنده مطالعات سردیله تصدیق ایدلمسی یولسز و مغایر اصول و قانون اولوب لایحه تمیزیه محتویاتی بووجهله وارد و بجا کورنمش ایدو كندن اصول محاکمات جزائییه قانوننك اوچیوز اون دردنجی و اوچیوز اون طقوزنجی ماده لری منظوقنجه مذکور اعلام استینافینك اسباب محرره دن ناشی نقضیه احکام قانونیه دائره سنده ایفای معامله اولنق اوزره اوراق متعلقه سندن محکمه محلیه یه اعاده سنده و ایکی یوزغروش اعلام خرجنك تعرفه و تعلیمات مخصوصه سنده توفیقاً ایلروده حقسز چیقاجق طرفدن استیفاسنه ۲۶ کانون اول سنه ۳۲۵ تارپنخنده متفقاً قرار ویرلدی .

محكمة تميز استدعا دائره سندن صادر اولان ۱۲ محرم سنه ۱۲۸ و ۱۱ كانون ثاني سنه ۳۲۵ تاريخي
و ۴۸ ۲۵ نومرولي اعلامك صورتيدر :

«باعت محكوميت اولان مقاله نك ترجمه سنده سهو وقوع ولديني ادعا اولنديني حاله
بعدالاستيضاح اصول محاکمات جزائيه قانونك قرقچي و قرق برنجي ماده سنده
توفيقاً اجراي تدقيقات اولمامسي، تشديد جزاي موجب اسبابك كوسترامسي و بر
قانونك مخفف جزا احكامي شامل اولوب اولنديني جهتك اثنای تدقيقده احكام
عموميه سي دكل اوفيله مرتب جزا حقنده وضع ايديلان مجازاتك درجه سي نظر
دقته آلمسي مقضى ايكن بودائرهده ايفاي معامله ايدلامسي نقض حكمي مستلزمدر»

درسعادت استيناف محكمه سي جنجه دائره سندن تنظيم واعطا و ۳ شرين ثاني سنه ۳۲۵ تاريخنده امر
تقضيي اجرا قلنان ۲۵ شرين ثاني سنه ۳۲۵ تاريخي اعلامك تميزاً تدقيقي طلبني حاوي محكمه مذكوره
مدعي عموميلكي ايله بك اوغلنده قبرستان زقاغنده مقيم پروئودوس غزته سي صاحب امتيازى اسپانودى
افدى طرفلرندن اعطا قلنان ايكي قطعه استدعا نامه ايله اوراق مترعه سي باش مدعي عموميلك مأموريت بهيه سنك
۵ كانون ثاني سنه ۳۲۵ تاريخي تبليغنامه سييله محكمه تميز استدعا دائره سنده توديع اولمش ولدي التدقيق
مذكور استدعا نامه لك مدت معينه قانونيه سي ظرفنده اعطا ومومى اليه اسپانودى افدى جانبندن شرائط
لازمه سائرهنك دخي ايفا قلنديني اكلاشلمش اوماغله بالقبول تدقيقات تميزيه اجراسنه ابتدار قلندى .

اعلام مذكورك خلاصه مالى؛ تحت امتيازنده بولان پروئودوس نام روجه غزته ايله هيئت عسكريهنك
شان وحيثيتي مغل الفاظ وتعبيرات استعاليه نشر يانده بولنديني مذكور غزته مندرجاتيله ثابت اولان
مستدعي اسپانودى افدينيك مطبوعات نظامنامه سنك اون طقوزنجي ماده سي موجبجه بش ماه حبسنه واشبو
حكمي مصارف طبيعه سي كندوسنه عائد اولق اوزره برماه ظرفنده صباح وئولوغوص غزته ليله كندى
غزته سنده نشره مجبور طوئلسنه دائر بدياه و يريلان اعلام محكوم مومى اليه جانبندن استيناف ايدملكه
اولبايده اجرا قلنان محاكمه و تدقيقات استينافيه نتيجه سنده بك اوغلى مدعي ميالكنجه سبق دعوى
وقوعبولمامسي ومطبوعات نظامنامه سي موجبجه كيفيتك ابتدا باب عايله متشكل قوميسيون مخصوصجه
مضبطه يه ربطى لزومندن صرف نظر ايدلمسي ووظيفه دار اوليان مرجعندن معطى ترجمه ايله عمل اولمسي
وموجب مسؤليت كوريلان كلمات وتعبيراتك ارباب وقوف طرفندن تعيين وايضاح معانيسي خصوصلرندن
ومطبوعات قانون جديدنيك تعيين ايدليكي مدت جزائيه اوج ماهدن عبارت وحركت مدعاهاده اسباب مشدده
يوق ايكن بروجيه محرر بش ماه حبسه قرار ويرلمسي كيفيتندن بحشله واقع اولان اعتراضاتك برنجيسي
دعواي مذكوره اول امرده درسعادت بديت مدعي عموميلكي جانبندن على الاصول با ادعا نامه اقامه قلنمش
وعدم صلاحيت قرارى اوزرينه بك اوغلى مدعي عموميلكنجه كذلك اقامه دعوى صورتيه محكمه يه توديع

ايدلمش اولماسنه نظراً مردود اولديني كبي ايكنجي واوچنجي ودرديجى بدياه درميان ايديلهرك اسباب
موجبه مقبوله بيانيه رد ايدلمش ومظنونك حركتسه تطبيق اولنان عتيق مطبوعات نظامنامه سنك ماده
مذكوره سنده معين جزا اوج آي اوليوب اتى ماهدن عبارت بولنمش ومارالذكر مقاله لك شان وحيثيت
عسكريه يني مغل اولمايغنه دائر اولان اعتراض ايسه مندرجاتك هيئت عموميه سي اعتباريله هيئت عسكريه
وضابطه حقنده مغل حيثيت الفاظ ومعانيي شامل اولوب ماهيت واجبات جرم واقعه كوره تطبيق اولنان
ماده مخصوصه دائره سنده تعيين جزا هيئت حاكمه نك حق تقدير وصلاحيته عائد اولارق اسباب مشدده نك
تصريح وبياني حقنده لزوم ومجبوريت قانونيه كوريله مامش ايدوكنه وحكم اول اسباب موجبيه مستندواصول
وقانونه موافق وعلل ونواقص فسحيه دن عارى اولمايغنه مبنى اعتراضات مسروندنك رديله اعلام مستأنف بهك
تصديقه قرار ويرليكني متضمندر .

مدعي عمومينك لايحه تميزيه سنده؛ محاكمندن صادر اولان بالجمله مقرراتك اسباب موجبه قانونيه يه اقتراي جهله
احكام قانونيه دن بولنديني كبي حين تعيين جزاده مخفف ويا مشدد جزا اولان احوالك دخي بيان وتصريح
ايدلمسي مقتضى ايكن درجه اولي محكمه سنجيه بولازمه قانونيه يه رعايت ايدملكه مزين مومى اليه تشديد جزاي
جهته كيدلمسي واستينافاً دخي بوجهتك نظر دقته المنقذين اعلام ابتدائينك تصديق اولمسي مستلزم نقض
اسباب قانونيه دن بولنديغنده واسپانودى افدينيك تميز استدعا نامه سنده دخي مدعي عمومى جانبندن تعريفات
قانونيه يه موافق صورتده حقنده بر دعوى سبق ايتديكي كبي اقامه دعوى واجراي محاكمه ايچون اولوقت جاري
اولان مطبوعات قانونيك اوتوز درديجي ماده سنك فقره اخيره سي موجبجه مقتضى تدقيقات اوپه اجرا
قلندمايغنه وتقيقات قانونيه يني موجب كوريلان بندلرك ياكاش ترجمه ايدليكنه ومذكور ترجمه لك غير مصدق
اولسييله احتجاجه صالح عد ايدايه جكنه وبركونا اسباب مشدده بيان اولمق مزين قدح حقنده مطبوعات قانون
عتيقك تعيين ايتديكي جزانك حد اعظامي سي ويرليكي يوانده درميان ايديلان وباخصوص درديجيسي اعتباريله
مدعي عموميلكجهده وارد كوريلان اعتراضات واسباب فسحيه نك نظر دقته آلممايغنه ومطبوعات قانون
جديدنيك بوبايده تعيين ايتديكي جزانك حبس قسمي برهفته دن اوج ماهه قدر تنزيل ايدليكي وباخصوص
يالكنز جزاي نقدي ايله حكم ايدبيلمك امكاني اولديني درپيش ايديلهرك لهنه تفسيراً وقانون اخير احكام
مخففه سندن استفاده ايتك اوزه حكم ابتدائينك فسحيه برائته واوله مادي تقديرده تعديل جزا جهته كيدملك
لازم كلوركن بركونا اسباب مشدده بيان اولمق مزين مطبوعات قانون عتيقك تعيين ايتديكي جزانك حد اعظامي سييله
محكوم ايدلامسي مغاير قانون ايدوكنه دائر اعتراضات سرديله اعلام استينافينك نقضى طلب واستدعا ايدليكي كبي
تبليغنامه ده دخي مومى اليه اسپانودى افدى طرفندن معطى تميز لايحه سي مندرجاتك قسم كليسي درجه اولي
وثانيه محكمه لرندهده سرد ايديلهرك اسباب موجبه قانونيه درميانيه رد ايديلان مدافعاتي تكراردن عبارت وبناء
عليه غير وارد ايسه ده اساس اتخاذ ايديلان وترجمه سنده سهو وقوعندن بحشله اعتراض ايدلامسيه حق مدافعه يه

تعلق نقطہ سندن ده احمیتی درکار اولان ترجمہ اوراتی هانکی دائرہ طرفدن ترجمہ ایدلمش ایسه اصولی دائرہ سنده اصلانه مطابق سندن بحثله زیرینک تصدیق ایدلمامسی و بر قانونک مخفف جزا احکامی شامل اولوب اولمادیغی جهتک اثنای تدقیقنده نظر دقته انه حق نقطه او جرم حقنده تعیین اولنان جزا اولوب احکام عمومیه سی موضوع بحث ایدیلهمه جکی وقانون اخیرک یکرمی سکرنجی ماده سنده ایسه قدح حقنده معین اولان جزا قانون عتیقه نسبتله خفیف بولنسی جهتله مظنونک لهنه اولمق اعتباریله بوندن استفاده اتمسی درکار ایکن استینافاً در میان اولنان شو اعتراضک قانونی اسباب موجبیه غیر مقارن بعض مطالعات در میانیه رد ایدیلهرک حکم ابتدائیک تصدیق اولنسی بولسز وقانونه مغایر و تمیز لایحه لری بو طریقله وارد اولدینی بیانیه اعلام مذکورک نقضی طلب ایدلمشدر. ایجابی لدی المذاکره؛ مستدعی اسپانودی افندینک تمیز استدعایامه سنده مدعی عمومی جانبندن تعریفات قانونیه موافق صورتده دعوی سبق ایتدیکنه دائر سرد ایدلیکی اعتراض عکس تصریحاتی متضمن اولوب قانوناً محقق عدی لازم کلان مندرجات اعلامه نظراً وارد اولدینی کبی کیفیتک اول امرده باب عالیده تشکیل اولانه حق قومیسسیون معرفتیه تدقیقی مقتضی اولدیغنه متدائر بولنان اعتراض دخی مطبوعات نظامنامه سنک نشرندن مؤخر اولان اصول محاکمات جزائییه قانونی حکمنجه بوکی قومیسسیونلرک ملغا اولسی و مطبوعات نظامنامه جدیدینک دخی بو صورتی مؤید بولنسی دلالتیه شایان قبول اولمایوب انحق مومی الیه طرفندن باعث محکومیتی اولان مقاله ناک یا کلس ترجمه ایدلیکی ادعا و در میان اولنمش و ذات مسئلهیه تأیری نقطه سندن حائر اهمیت اولان شواهدا اوزرینه قننی کله لرک یا کلس ترجمه ایدلیکنک مظنون مومی الیه دن استفسار واستیضاحیه اصول محاکمات جزائییه قانونک ترتجی و قرق برنجی ماده لرینه توفیقاً تعیین اولنه حق کسان معرفتیه اولباده تدقیقات ایقاسی لازمه دن بولنمش ایکن بوجهتدن ذهول ایدلمسی و مجازات قانونیه ناک حد اصغر ایله حد اکبری حاوی اولسی فعلک صورت ایقاعی و اصول سائرهمسی نظره انه رق اکاکوره تعیین جزا مقصدینه مبتی اولوب بنابرین اسباب مشدده ناک بیان و تصریحی لزومی آشکار بولنمش اولدینی حالده بدایت محکمه سنجه تشدید جزای موجب اسبابک کوسترللمامسی و علی الخصوص مخفف جزا اولان احکام قانونیه ناک ماقبله شمولی ماده سنده موضوع بحث و ادعا اولان فعله مترتب جزانک احکام مخففه یی حاوی اولوب اولمادیغنک تدقیقیله احکام مخففه یی متضمن اولدینی تقدیرده کا توفیقاً جزانک تعیینی مقتضی و خصوص مدعا بده مطبوعات نظامنامه جدیدی احکام مخففه یی محتوی بولنمش ایکن عمومیتی اعتباریله مخفف جزا احکامی شامل اولمادیغی بالیان عتیق مطبوعات قانونی احکامنه تطبیق حکم ایداش بولنسی اعلام مذکورک اسباب موجبیه مستند و نواقص فسخیه دن عاری ایدوکی بیانیه تصدیقی جهتته کیدلمسی اصول وقانونه مغایر و تمیز لایحه و استدعایامه سیله سالف البیان تبلیغنامه ده جهات مشروحه یی متضمن اولمق اوزره سرد ایدیلان اعتراضات و مطالعات وارد و بجا کورلدیکندن اصول محاکمات جزائییه قانونک اوچویوز اون دردنجی و اوچویوز اون طموزنجی ماده لری منطوقجه اعلام استینافینک اسباب محرره دن نانی نقضیه احکام قانونیه دائرهمسده ایقاعی مامله اولمق اوزره اوراق متعلقه سنک محکمه مذکورده

و مستدعی اسپانودی افندی جانبندن تمیز جزای نقدیسی اوله رق مقدمه عدلیه و زنه سنه تسلیم ایدلمش اولان بش لیرانک دخی اصول مذکورک اوچویوز قرق اوچنجی ماده سی موجبسنجه مومی الیه اعاده سنه و ایکی یوز غروش اعلام خرجنک تعرفه و تعالیمات مخصوصه سنه توفیقاً ایلروده حقسز حقیقه حق طرفدن تخصیصیه ۷ کانون ثانی سنه ۳۲۵ تاریخنده متفقاً قرار ویرلدی.

محکمه تمیز استدعا دائرهمسندن صادر اولان ۲۷ محرم سنه ۳۲۱ و ۲۶ کانون ثانی سنه ۳۲۵ تاریخلی و ۲۶۶۱ نومرولی اعلامک صورتیدر:

«برائت قرارینک یا لکن حقوق شخصیه نقطه سندن استینافی حالنده کسب قطعیت ایدن برائت جهتته تعرض اولمماق قید و شرطیه استینافاً کانه جهاتک موضوع بحث ایدیلهمه جکی و مدعیات شخصیه ناک علی الاطلاق محاکم استینافیه جه دوام رؤیتی مقتضی اولوب عکس صورتیه معاملات و مقررات اتخاذی نقض حکمی مسلمندر»

درسمعات استیناف محکمه سی جنجه دائرهمسندن تنظیم واعطا و ۱۱ اغستوس سنه ۳۲۵ تاریخنده امر تفهیمی اجرا قلنان ۳۰ تشرین ثانی سنه ۳۲۵ تاریخ ویوزطقسان اوچ نومرولی اعلامک تمیزاً تدقیقی طلبی حاوی درسمعات صوشرکتی مدیری موسیو سایه ناک و کیلی نجاتی افندی جانبندن منطی استدعایامه و اوراق متفرعه یی باش مدعی عمومیلک مأموریت بهیه سنک ۱۰ کانون ثانی سنه ۳۲۵ تاریخلی تبلیغنامه سیله محکمه تمیز استدعا دائرهمسده تودیع اولنمش ولدی التدقیق مذکور استدعایامه ناک مدت معینه سی ظرفنده ویرلدیکی و شرائط قانونیه یی جامع ایدوکی اکلاشلمش ایدوکنندن بالقبول تدقیقات تمیزیه اجراسنه ابتدار اولندی.

اعلام مذکورک خلاصه مالی؛ درسمعات صوشرکتی قومپانیه سنده مستخدم بواندقلری ائنده حسب الوظیفه کندولرینه تودیع ایدیلان بعض اوراق و دفاترده ساخته لاق اجراسیله شرکت اموانندن بیک طقوزیو یتمش بش لیرا الی اوچ غروش سرقت ایتدکاری ادعا قلنان شرکت مذکوره سابق ایکنجی محاسبه جیسی یونانی ارمان و واقوولدنیه قوله ایله اوکوست انانیا افندی ولدپول حقلرنده بدایه اجرا قلنان محاکمه نتیجه سنده مظنونلردن ارمان و واقونک ایکی سنه حبسنه و بیک طقوزیو یتمش بش لیرا الی اوچ غروشک مرقومدن تحصیلنه و دیگر مظنون انانیا افندینک برائتنه دائر تنظیم واعطا قلنان اعلام مذکور صوشرکتی مدیری موسیو سایه جانبندن استیناف ایدلمسی اوزرینه جریان ایدن تدقیقات و محاکمات استینافیه نتیجه سنده حلی ایجاب ایدن مسئله ایکی صورته منحصراً و صور مذکورده دن برسی جنجه موادنده بدایه صادر اولان برائت قرارینک مدعی عمومی جانبندن استیناف ایدلماش اولسنک مدعی شخصینک حق شخصی نقطه سندن دعوی استینافه مانع قانونی تشکیل ایدوب ایتهمه جکی، دیگرده حقوق شخصیه ناک دعوی حاضرده حقوق عمومیه ناک لازم غیرمفارق عدلیه بوبابده کی برائت قرارینک جهت حقوقیه جه حائر تأثیر اولوب اولممامسی مسئله سنه متدائر اولسنه و اصول

محاکات جزائیہ قانونک اولیاده کی موادینک احکام عمومیه سنه نظراً جنجه موادنده دخی حقوق عمومیه جهتک برائت قراریله نتیجه لهرک مدعی عمومی جانبندن استیناف دعواده بولنلما سندن ناشی اکتساب قطعیت ایتش اولسی مدعی شخصینک طریق استینافه حق مراجعتی اسقاط ایتیه جکی درکار اولدینی کبی اطلاعات جزائییه قطعیه نک جهت حقوقیه قارشو حائر تأثیر اوله جنی کبی جهتی قواعد قانونیه دن ایسه ده بوصورت علی الاطلاق اولیوب انحق ادعا اولنان فعلک عدم وجودندن ویانابت اولان فعلک فاعلی مظلون اولماسندن ناشی صادر اولان برائت قرارلرله طوغری به جرمدن متولد و حقوق عمومیه به مرتبط و غیر منفک اولان حقوق شخصیه ساری برائت قرارلری جهت حقوقیه جه قضیه محکمه تشکیل ایدوب یوقسه اختلاس و یاسرقت و امنیتی سوء استعمال صورتنده ادعا اولنان دعاوینک جرم قانونی شکلنده مستلزم جزا کوریله مامسندن ناشی ویریلان برائت قرارلری یالکیز جهت جزائییه جه حائر تأثیر اوله مایه جغه و دعوای حاضرده دخی ساخته کارلق یولنده و سرقت و اختلاس صورتنده اقامه ایدلش و جریان ایدن محاکمه جزائییه نتیجه سنده ویریلان برائت قراری مستأنف علیه جانبندن وقوعه کلان معاملات جرم قانونی و مستلزم جزا صورتده کوریلما مامسی کبی اسباب موجبیه مستند بولنش اولق حیثیت و اعتباریله آنحق جهت جزائییه جه قضیه محکمه تشکیل ایده بیلورسه ده بو باده ارانیلان حقوق شخصیه نک اساساً جرمدن متولد و حقوق عمومیه به مرتبط اولمایوب حقوق مکتسبه دن معدود اولسنه کوره قرار مذکورک حقوق شخصیه به قارشو قضیه محکمه تشکیل ایتیه جکی اعلام ابتدائینک متضمن اولدینی برائت قرارنده حقوق شخصیه نک رد و قبولی حقدده بدایت محکمه سنجه برقرار اتخاذا ایدلماش اولسیله ده مؤید بولنسنه و شو حالده مستأنف علیهدن بو باده ارانیلان جهت صرفیات واقعه نک معاملات عادیه نقطه سندن احکام عمومیه به نظراً حل و تدقیقندن عبارت قاله رق و بو ایسه برائت قراریله نتیجه لسان حقوق عمومیه به غیر مرتبط حقوق شخصیه دن معدود اولسیله استینافاً جهت جزائییه جه تدقیقه سبب قانونی کوریله مامسنه بناءً مدیر مرقومک عائد اولدینی محکمه به مراجعت ایلک اوزره استیناف استدعا نامه سنک ردینه قرار ویرلدیکنی متضمندر .

لایحه تمیزیه ده ؛ محکمه استینافیه جه شرکتک حقوق شخصیه دن طولای حق استینافی بواندیغه قرار ویرلش ایکن اسباب استینافیه بی تدقیق لیدرک رد و یا قبولی حقدده قرار اتخاذا ایده جکی یرده عائد اولدینی محکمه به مراجعت ایلک اوزره استیناف استدعا نامه سنک ردینه قرار ویرلما سنک مغایرت قانونیه سندن وافادات سائرده دن بختله اعلام استینافینک نقضی استدعا اولنش ، تبایغنامه ده دخی درجه ثانیه محکمه سنجه جریان ایدن محاکمه بدایه صادر اولان برائت قرارندن طولای مدعی عمومی جانبندن استیناف دعوی ایدلماش اولسی مدعی شخصینک استیناف دعوی ایتسنه مانعه قانونیه تشکیل ایده بیلوب ایدیه جه متعلق محاکمه ده حاضر بولان مدعی عمومی معاوننک استماع قلنان مطالعه سی دخی اشبو مسئله به منحصر اولسنه نظراً حقوق عمومیه

دعوا سنک برائتله نتیجه لهرک بوقرارک مدعی عمومی طرفندن استیناف دعوای اقامه ایدلما سندن ناشی اکتساب قطعیت ایلسی مدعی شخصینک حق استینافی اسقاط ایتیه جکی حقدده اتخاذا ایدیلان قرارک طرفینه بالتفهیم حقوق شخصیه دعوا سنک جهت جزائییه ده دوام رؤیتی لازم کلوب کلیه جکی مسئله سنک حانه متعلق تدقیقاتک مستأنفک اسباب استینافیه سیله اکا متعلق مدافعات و مدعی عمومینک ده اولیاده کی مطالعه سنک استفسار و استماعندن صکره اجراسی لزومی درکار بولنلما حالدده محکمه مذکورده جه هرا یکی مسئله نک برلکده تذکر اواسنه رق مدعی شخصینک استیناف حق قانونی قبول و تسلیم ایدلماکله برابر دعوای حاضرده کی حقوق شخصیه نک برائتله نتیجه لنان حقوق عمومیه به مرتبط بولنلما و جهت جزائییه ده تدقیقه سبب کوریلما مدیکی بیانیله عائد اولدینی محکمه به مراجعت ایتک اوزره استیناف استدعا نامه سنک ردی حقدده قرار اعطا اولنسی موافق اصول کوریلماش و لایحه تمیزیه ده بوکا دائر درمیان اولسان اعتراض وارد بولنش ایدوکی بیانیله اعلام مذکورک نقضی لزومی کوسترلشددر .

ایجابی لدی المذاکره ؛ مندرجات اعلامدن استنباط اولنلماش اوزره مظلونلردن انانیادی افدینک برائتله دائر درجه اولی محکمه سندن لاحق اولان قرار علیهنده دعوای استینافی به قیام ایدن شرکت مدیری موسیو لئون سایه نک حقوق شخصیه نقطه سندن طریق استینافه مراجعت حقنی حائر اولدینی تصدیق ایدلش و فی الحقیقه برائت قرارلرینک حقوق عمومیه مأموری طرفندن استیناف اولنما مامسی ادعای شخصیه بولنالرک حق استینافی اسقاط ایدیه جکی صراحت ایجابندن بولنش اولسنه و احوال مماثلده تدقیقات استینافیه نک حقوق شخصیه جهته حصر اولنمایوب کسب قطعیت ایدن برائت قرارینه تعرض اولنماق قید و شرطیه جرم مدعاهلک دخی ثبوت و عدم ثبوتی امرنده تحقیقات و محاکمات لازمه بالاجرا نتایج حاصلیه کوره حقوق شخصیه اوله رق ارانیلان مبالغه متعلق اولان مدعیاتک رد و یا قبولی یولنده برقرار اعطاسی مقتضی بولنسنه نظراً شو مسئله ده محکمه استینافیه جه تصدیق واقع و جهله حق استینافی بولنان شرکت مذکورده مدیرینک ادعا و اعتراضات واقعه سنک صور محرره دائره سنده محاکمه و تدقیق و ایجاب قانونیسنه توفیقاً قراره ربط و توثیق اولنسی اقتضا ایدرکن اصول مرعیه و قوانین موضوعه ایله قابل تألیف اولیان و اعلام استینافینک قرار محلتک فقره اولاسنده کوستریلان اسباب موجبیه ایلده امکان توفیقی کوریلما میان بعض اسباب و مطالعات درمیان ایدیلرک شرکت مذکورده نک مظلوندن طلب ایلدیکی حقوق شخصیه نک حقوق عمومیه به ارتباطی اولسادیغه و بناءً علیه بوندن طولای عائد اولدینی محکمه به مراجعت لازم کله جکته دائر ویریلان قرار ایله کرک حقوق عمومیه دن متولد بولسون و کرک حقوق عمومیه بی تولید ایتش اولسون بوقیل مدعیات شخصیه نک محاکمه استینافیه جه ده دوام رؤیتیه صلاحیت اولما دینک کوسترلش و شواساسه عطفاً اولیاده کی استیناف استدعا نامه سنک رد ایدلش اولسی تبایغنامه ده مرقم اولدینی و جهله مغایر اصول و قانون اولوب لایحه تمیزیه نک بوجهتی تضمن ایدن فقراتی وارد و بجا کورلدیکندن اصول محاکات جزائییه قانونک اوچیوز اون دردیچی و اوچیوز اون

طقوزنجی ماده لری موجبجه اعلام استینافینک تفضيله احکام قانونیه دأر دسندہ ایفای معاملہ اولنق اوزره محکمه مذکورہ و تمیز جزای تقدیمی اوله رق اولجه تسایم وزنه ایداش اولان بش لیرانک دخی قانون مذکورک اوچیوز قرق اوچیجی ماده سنہ توفیقاً مستدعیہ اعاده سنہ وایکی یوز غروش اعلام خرجنک تعرفه و تعلیمات مخصوصه سی موجبجه ایلروده حقسز حقیقه جق طرفدن استیفاسنه ۱۷ کانون اول سنہ ۳۲۵ تاریخنده تاریخی متفقاً قرار ویرلدی .

محکمه تمیز حقوق دأر دسندن صادر اولان ۲۵ ذی القعدة سنہ ۱۳۲۷ و ۲۵ تشرین ثانی سنہ ۱۳۲۵ و ۱۸۰۱ نومرولی اعلامک صورتیدر :

«شهر و سنه نك قريه و يا روميه كې بر قيد ايله متيد اوله برق على الاطلاق ذكر اولدینی حالده سنه قریه معروف اولدیندن مرور زمانک اولوجهله حساب ایدلامسی و مدعی علیهک مورثک بورجی اولمادیغی افاده سیله اخیراً تسویه ایداش اولدینی زمینده کی بیاناتی تناقض تشکبل ایتز ایکن مجانک بیک آتی یوز قرق یدنجی ماده سنہ یا کلس معنا ویرلمسی مستلزم نقضدر »

وانک ترلز اوغلی محله سنده مقیم متوفی آرتین اوغلی کیسارک ورثه سنندن برادر زاده سی سرکس ولد مغردیچ ایله باروتجی اوغلی محله سنده ساکن ابراهام ولد غازار بیننده متحدث دعوايه دائر وان بدایت محکمه سنندن ۲ حزیران سنہ ۳۲۴ تاریخلی و ۳۰ عددی ایله ویریلان اعلام، مدت قانونیه سی طرفنده مذکور ترلز محله سی اهالیسنندن اوانس نام دیگر ی خیره بت ولد مختار طرفندن تمیز اولمش واوراق تمیزیه صورتلری مرقوم ابراهامه تبایغ و اعطا اولمش اولدینی حالده جواب لایحه سی ویرامش اولدینندن اعلام مذکور یالکز مستدعینک اعتراض لایحه سیله بالمطالعہ تدقیقات تمیزیه اجراسنه ابتدار اولندی .

اعلام مذکورک خلاصه مندرجاتی ؛ مرقوم ابراهامک متوفی آرتین اوغلی کیسارک ذمتده با سنند یکریمی لیرا والدن اون لیرا که جمعا اوتوز عدد عثمانلی آتونی آله جنی اولدینندن مبالغ مذکورک متوفای مرقومک ترکه سنه واضع الید بولنان ورثه سنندن سرکس ولد مغردیچدن مع فائض تحصیاتی طلب و دعوی ومع ترجمه ۱ مارت سنہ ۱۸۹۲ تاریخلی بر قطعه سند ابراز واعطا ایتسنه قارشو مدعی علیه سرکس وکیلی سلیمان افندی بو کی سندانک تاریخلرینک سنه قریه ایله حساب ایدیله جکی محله احکامندن بولندیغی جهتله دعوا ی واقعده مرور زمان اولدینی و الدن الندیغی ادعا اولنان اون لیرا دخی موکلنک بورجی اولمادیغی مدافعه درمیان و مدعی ابراهام بو مثللو تأجیل دین اجاره کی مرور زمانله محدود و عقید اولان معاملاتدن متعاقدين، سنده قننی تاریخی تصریح ایدرک عقد مقاوله ایدرلرسه مقاوله نامه ده مندرج تاریخه اعتبار ایدیلهرک اولوجهله مرور زمانک حساب ایدیله جکی محله جمعیتدن تنظیم اولنوب عدلیه نظارتندن تعمیم اولنان ۵

ذی الحجه سنہ ۹۶ تاریخی امرنامه ده صراحة مذکور اولمقله بو باده کی مرور زمان ادعاسنک ردینی و مدعی علیه وکیلی موکلنک مورثی مغردیچ مدعینک ادعا ایدیلکی اون لیرای اون سنه مقدم حال حیاتنده نقداً مدعییه تأدیه ایتمش اولدینی شهود شخصیه ایله اثباته مقتدر اولدینی تذکار ایللری اوزرینه محکمه ججه بالتذکر مبرز سند تاریخنه نظراً مرور ایدن مدتک مرور زمان حدینه بالغ اولمامسنه و مرور زمانک سند زیرینه موضوع تاریخندن اعتباراً حساب اولنه جنی درکار بولمسنه و مدعی علیه وکیلی موکلکی مورثنک اون لیرا بورجی اولدینی اولجه انکار و بوده مذکور بورجک تأدیه ایدیلکی شهود شخصیه ایله اثبات ایده جکی افاده وازبار ایتسنه نظراً افاده واقعهلری بیننده مبادیت اولدینندن بو باده کی طلیله مرور زمان حقنده وقوعبولان ادعاسنک ردینه قرار ویرلدکن صکره مدعی علیه وکیلی سلیمان افندی مبرز سند محتویاتی موکلکی مورثنک بورجی اولدینی طایعاً بالاقرار مذکور بورج اساساً مرقوم کیسارک اولوب مرقومک بلا ولد وفاتیه مالی برادری مغردیچ و همشیره لری یقایت و کرانه و نه نه یه بالانتقال اخیراً بولنلر دن مرقوم مغردیچک دخی وقوع وفاتیه آنک ترکه سی اوغلی موکلکی سرکس و هارویتون و قزلری آخونی و مقروھی و لوسیکه انتقال ایلش اولدینی و بناء علیه دین واقعدن موکلنک حصه سنه اصابت ایدن مقداری موکلکی سرکس تأدیه یه مهیا ایدوکی و مدعی ده مبالغ مذکورک متوفانک ترکه سنه واضع الید بولنان مدعی علیه سرکسندن تماماً تحصیلنی بیان ادعا ایلسی اوزرینه اولباده جریان ایدن محاکمه و تدقیقات نتیجه سننده مدعی ابراهامک مدیون متوفی کیسار ذمتده اون لیرا آلاجنی اولدینی اولباده اقامه واستماع اولنوب لدی التذکر مقبول الشهاده اولدقلری تحقق ایدن شهادلرک شهادتیه ثابت اولدینی کی با سنند یکریمی لیرا دخی آلاجنی اولدینی اولباده ابراز اولنان سننک مدعی علیه وکیلی طرفندن طایعاً اقرار و اعترافیه آ کلاشلمش اولمسنه بناءً مذکور اون لیرانک تاریخ استدعادن اعتباراً مرور ایددجک فائض نظامیسیله معاً و تماماً ویکریمی لیرانک دخی ایام ماره فاضی بولنان ورأس المال مساوی اولان یکریمی لیرا فائضله برابر بالغ اولدینی قرق عدد لیرای عثمانیدن مدعی علیه مرقومک حصه سی نسبتده اوله رق ترکه متوفایه اضافله مجله نك ۱۶۴۲ و ۱۸۱۸ و ۱۸۱۷ نجی ماده سی موجبجه مدعی علیه سرکسندن با تحصیل مدعی ابراهامه تسلیمنه حکمندن و مستدعی تمیز اوانسک اشبو حکم علینده لایحه سنده محرر باشلوجه اعتراضی طلب اولنان مذکور ایکی قسم الاجقندن اون لیرا مورثنک بورجی اولمادیغی بیان اولنقی اوزرینه مدعینک اثباتدن صکره بونک تسلیم ایدیلکی واثبات ایدیله جکی حقنده درمیان ایدیلان دفعک استماعی لازم کلور ایکن رد ایدلمسی و مبرز سندده فائض مقاوله سی مندرج اولمادیغی جهتله تاریخ استدعادن اعتباراً فائض یوریدلمسی لازم ایکن بوندن دخی ذمول ایله تاریخ مدایسنه دن اعتباراً فائض یوریدلمسی و تاریخ دعوايه نظراً مرور زمان واقع اولدینی کی مذکور سند سنه قریه ایله مورخ اولمسی جهتله مرور زمانک اولدورتله حساب ایدلمسی ایجاب ایدرکن محکمه ججه بوحته عطف نظر ایدیلهرک سنه شمسیه اعتباریه حساب ایدیلهرک برمنوال محرر قرار ویرلمسی مغایر قانون اولدینندن بحکله اعلامک نقضی استدعاسندن عبارتدر .

ایجابی لدی المذاکره؛ اعلام مذکور مآئندن مستبان اولدینی اوزره محکمه جه برمنوال محرر قرار ویرلسی کرک شهر و کرک سنه نك قریه و یارومیه کبی برقید ایله مقید اولیه رق علی الاطلاق ذکر اولدینی حالدیه مرور زمانك عرف شرع اوزرینه سنه قریه به صرفی اقتضا ایده جکنه کوره بوبایدہ ادعاقلنان مرور زمانك سنه قریه اوزرینه حساب ایدلسی لازمکلورکن مجرد سند زیرینه میلادی تاریخ موضوع اولدیغندن ناشی بو تاریخندن حساب ایدلسی یولسز اولمغه برابر متوفانك بلاسند بشقه جه دینی اولدینی ادعا اولنان مبالغی مدعی علیه مورثك هیچ بورجی اولمدینی بیانیله مطلق اوله رق انکار و شهود شخصیله اثبات اولنسی اوزرینه ده تسویه ایدلمش اولدیغنی تذکر ایتمنك مجله نك ۱۶۴۷ نجی ماده سی موجبجه تناقض تشکیل ایتدیکی حالدیه تناقض عدیه رد ایدلسی یولسز و مخالف اصول وقانون اولدیغندن اصول محاکمه حقوقیه قانوننك ۲۳۲ نجی ماده سی موجبجه اعلام مذکورك قضیه قانون مذکورك ۲۴۴ نجی ماده سی حکمنه توفیقاً کیفیتک صور محرره دائره سندن تکرار بالرؤیه اعلامه رابطی ضمننده محکمه مذکوریه اعاده سنه وزیرده مفرداتی مرقم اولوب اولجه مستدعی اوانس طرفندن ویریلان ایکی یوز یکرمی بش یحق غروشه بوکره میز علیه ابراهام نامنه اوله رق ویریلان ۲۲۲ غروشه جمعاً درتیوز قرق یدی یحق غروش مصارف تمیزیه نك ایلروده حقسز چیقه حق اولان طرفه عائد اولسنه ۲ حزیان سنه ۳۲۵ تاریخده متفقاً قرار ویرلدی .

محکمه تمیز حقوق دائره سندن صادر اولان ۱۵ کانون اول سنه ۳۲۵ تاریخلی ۱۲۶۴ نومرولی قرارک صورتیدر :

« قوللکتیف شرکت تجاریه سی اعضاسندن برینك امریله تأدیله ایدلیدیکی بیانیله دیگر شریکدن ادعا اولنان مبالغی مدعی علیه شریک انکار ایتدیکی صورتده اول امرده اثبات ایدلسی تکلیف اولنه رق اثبات مدعا دن اظهار عجز اولدینی تقدیرده مدعی علیه اولان شریکه عدم علمه یمین توجه ایتدیکی حالدیه مدعینك دعواسنه غیر موافق صورتده یمین ترتیب اولنسی نقض حکمی مستلزمدر »

صامسونده دخان مرکزنده مقیمان دخان تیارندن حاجی حسین زاده حاجی احمد بك ایله ماوریدی واولادی بیننده متحدث دعوایه دائر جانبك تجارت محکمه سندن ۴ شباط سنه ۳۲۴ تاریخلی ۴۷ عددی ایله ویریلان اعلام مدت قانونیه سی طرفنده مومی الیه حاجی احمد بك طرفندن تمیز ایدلمکله اعلام مذکور طرفینك اعتراض و جواب لایحه لرله بالمطالعه تدقیقات تمیزیه اجراسنه ابتدار قلندی .

اعلام مذکورك خلاصه مآلی؛ مزبور ماوریدی واولادی وکیلی استفاناک افندی حاجی حسین زاده برادرلر شرکتی ایچون موکلی طرفندن سیغورطیه ویرلمش اولان اون اوچ لیرا یکرمی ایکی غروشک بورجلانمدقلرینه دائر شرکت مذکوره شرکاسندن حاجی نوری بك محکمه جه امر تخلیفی اجرا قلنمش ایسه ده دیگر ایکی

اعضاسندن اولوب الیوم درسعادتده بولنان حسن بك حقننده کی حق تخایفلیری باقی قالمق اوزره مومی الیه حاجی احمد بك جلیله انك دخی تخایفك اجراسنی طلب و دعوی و مدعی علیه وکیلی دخی مدعیلرک اولجه موکلری علیهنده اقامه ایلدکاری دعوا دن ناشی مومی الیه حسن واحد بکلر حقننده کی حق تخایفلیرنك محافظه ایدیلوب ایدلیدیکی اولبایدہ کی اوراق دعوا نك تدقیقه کلاشیله جغندن اول امرده اوراق مذکورده نك اشبو دعوا ایله بالتوحد تکلیفنده بوانسدقلری یمینك دخی محکمه تمیزك نقضی دائره سنده اجرایی لازم کله جکنی درمیان ایللی اوزرینه محکمه جه اولجه اشبو محکمه دن ویریلان اعلام ایله محکمه تمیز اعلامنك مدعی وکیانك ابراز ایللی لزومنه دائر اتخاذ اولنان قراره بناء مدعی وکیلی طرفندن اعلامات مذکوره ابراز ایدلمکله مطالعه و تدقیق اولندقدہ؛ حاجی حسین زاده برادرلردن مومی الیه احمد بك علیهنه وقوعبولان اشبو دعوا ده سالف الذکر مبرز اعلاماتك جهت تعلقی اولیوب منحصرأ نوری بك علیهنه متسائر بولمغه مدعابه دین حقننده مدعی علیه حاجی احمد بکه نه یولده یمین تکلیف ایده جکنك مدعی وکیانندن سوال ایدلسی اوزرینه مدعی وکیلی مذکور سیغورطه قومپانیه سنه ویرلمش اولان مبلغ مدعابهك ایفاسنی مدعی علیه برادر مومی الیهك بورجلانمدقلرینه دائر مومی الیه احمد بك تخلیفی طلب و مدعی علیه وکیلی دخی موکله توجه ایدن یمینك جہتی تصریح اولمدینی شویله طورسون موکلنك شرکت اعضاسندن ایسه ده مبلغ مدعابهك ناشی حاجی حسین زاده برادرلر قوللکتیف شرکتنك شرکاسندن نوری بك علیهنه اولجه اقامه اولنان دعوا ده مجموع دین ایچون مدعی وکیانك طلب و تکلیفی اوزرینه مومی الیه نوری بك امر تخایفی اجرا قلنهرق مسئله ختام بولمش وحق واحد ایکی کشیدن ایلرو ایلرو استیفا اولنه میه جنی مجله احکامندن بولنمش اولدیغندن موکلی احمد بکه یمین توجه ایتیه جکی و مدعی وکیاننده موکلنك مدعی علیه حاجی حسین زاده برادرلر عنوانیه متشکل قوللکتیف شرکتنك عموم شرکاسندن مجموع دین ایچون ایلرو طلب و دعوایه حق قانونیسی بولندیغنی انبا ایلرله محکمه جه مومی الیه حاجی احمد بك مقدما ویریلان قرار وجهله مبلغ مدعابهك شرکتنك بورجلانمدقغه دائر یمین ایدوب ایتیه جکی مدعی علیه تفهیم اولندقدہ مدعی علیه دخی قرار واقع اولجه برادرینك تخایفی حقننده ویرلمش اولان قراره مخالف بولندیغندن بو وجهله یمین ایده میه جکنی بیان ایتمکله جریان ایدن محاکمه و تدقیقات نتیجه سنده مدعی مرقومك ادعاسی وجهله شرکت مذکورده اون اوچ لیرا یکرمی بش غروش مطلوبی اولدینی مدعی علیهك یمین قبول ایتامسیله تحقق ایتسنه مبنی مجله نك بیک سکیز یوز یکرمیجی ماده سی موجبجه مبلغ مذکورك تاریخ استدعا دن اعتباراً مع فائض شرکت مذکورده دن بالتحصیل مدعی به تسایمنه حکمندن و مستدعی تمیزك اشبو حکم علیهنده لایحه سنده محرر باشلوجه اعتراضی، مذکور سیغوطه بدلندن طولانی حاجی حسین زاده برادرلر شرکتی اعضاسندن برادری نوری بك علیهنده مدعینك اقدجه اقامه ایدوب حکمه ربط اولنان دعواسنده برادر مومی الیه توجه ایدن یمینك دعوایه مخالف صورتده تکلیف ایدلسندن ناشی اولبایدہ کی اعلامك تمیزاً نقض اولنسی اوزرینه مدعابهك عمومی حقننده برادر

مومی الیهه یمین اجرا ایتدیریلرک دعوی ختام بولدینی حالده دعوی مذکوردهنک بتکرار کندو علیهنده اقامه ایدلسی واولجه یمین برادرینک شخصنه حصر اولدینی حالده دعوی واقعهده شرکت نامنه تکلیف ایدلسی یولسز و مخالف قانون اولدیغندن بختله اعلامک تقضی و لایحه جوابیه مؤداسی دخی سرد اولسان اعتراضاتک غیروارد اولدینی بیانیله ردی و موافق اصول وقانون اولان اعلام مذکورک تصدیق استدعاسندن عبارت بولمشدر. ایجابی مذاکره اولندوقده؛ اعلام مذکور مآئندن مستبان اولدینی اوزره مدعی ماوردی و اولادینک حاجی حسین زاده برادرلر شرکتی اعضاسندن مزبور احمد بکه تکلیف ایدلیکی یمینی مومی الیه احمد بکه قبول ایتماسیله مبلغ مدعا بکه شرکت مذکوردهن تحصیلنه حکم ایدلمش ایسهده مدعی ماوردینک شرکادن نوری بک حقنده منع مبارضیه دائر صادر اولان ۱۲ کانون اول سنه ۳۳۳ تاریخی اعلامده تصویر ایتدیکی دعواسنه کوره مبلغ مدعا به شرکتی تشکیل ایدن ذواتدن حسن بکه امریله مبلغ مزکوری سیغورطیه و یرمش اولدینه متدائر بولدینی جهتله اول امرده حسن بکه امری اثبات ایتدیرلک و ایدیه مدیکی تقدیرده حسن بکه اولوجهله امر ایتدیکنی بیلمدیکنه دائر یمین تکلیف ایدیلرک یمین ایدلیکی صورتده منع مبارضهسنه وینندن نکولی تقدیرنده. مبلغ مدعا بکه سیغورطه قومپانیهسنه و یریلوب و یرلیدیکی بالتحقیق تبیین ایدجک حاله کوره قرار ویرلک لازم کاور ایکن بووجهله محاکمه اجرا ایدیلرک مدعینک مالذکر دعواسنه غیر موافق صورتده یمین ترتیب اولغسی یولسز و مغایر قانون اولدیغنه بناءً اصول محاکمه حقوقیه قانوننک ۲۳۲ و ۲۴۱ نجی ماده ی حکمنه توفیقاً کیفیتک بالرؤیه اعلامه رباطی ضمننده محکمه مذکورده اعادهسنه ۱۵ کانون اول سنه ۳۲۵ تاریخنده متفقاً قرار ویرلدی.

محکمه تمیز جزا دائرهسندن صادر اولان ۲۱ ذی الحجه سنه ۳۲۷ و ۲۱ کانون اول سنه ۳۲۵ تاریخی و ۵۱۴۵ نومرولی اعلامک صورتیدر :

« مقتوله اصابت ایدوب جسدنده قالمش اولان قورشون چقارتیلرک متهملردن هانکیسنک سلاخی مریمسی اولدیغنک مکملأً تدقیق و تطبیق و سلاحک صورت استعمالنه و مقتوله کوریلان آثاره نظراً فعل قتل و یا جبراً فعل شذیع اجراسنه تصدی ایچون دیگر بر شخصک اشتراک و یا معاونهته احتیاج موجود اولوب اولدیغنک تحقیق و تعمیق ایدلامسی و مدافعه شهودینک جلب و استشهاد اولغامسی نقض حکمی مستلزمدر »

اودیماز زاده عبدالباقیق کیفیت قتاندن طولای جنایتله اتهام اولنان رژی مأموری حامی وقولجیدی یازیچی اوغلی شوکتک اجرا قتلان محاکمه لری نتیجه سننده مرقومانک قانون جزانک یوز یمش دردنجی ماده سنک فقره اخیرهنه توقیقاً اعداملرینه دائر قره حصار شرقی سنجانغی بدایت محکمه سی جزا دائرهسندن صادر اولان ۲۶ حزران سنه ۳۲۵ تاریخی و یوز قرق ایکی نومرولی اعلام ایله متهملردن شوکت طرفندن

معطی لایحه تمیزیه و اوراق سائر دعوی باش مدعی عمومیک مأموریت علیهنسندن ۹ کانون اول سنه ۳۲۵ تاریخی و بشبیک اوچپوز یکریمی نومرولی تلغرافنامه ایله محکمه تمیز جزا دائرهسنه ارسال اولغله اوراق مذکورده مطالعه و قرائت اولندی. لایحه تمیزیهده؛ راپوره یا کلش معنا و یریلرک و آلت قتل اولان طبانجهنک حامی کندی اعترافیه ثابت و محکمهجه محقق بولسان رفیق حامی ایکن بوجهت نظر دقته آلمیهرق اعدامنه حکم و یرلیدیکندن وسائر نقصانی تدقیقات و تحقیقاتدن بختله حقنده کی حکمک نقضی استدعا قالمش و تبایغنامهده دخی مقتوله بر قورشون جرحه ی موجود اولوب قورشونده جسدندن بالاخراج محفوظ بولمسنه و متهملردن حامی روولورینی تبدیل و شوکتده اخفا ایتدیکنه محکمهجه قناعت حاصل اولسنه کوره کرک حاینک و کرک دیگر متهم شوکتک و قهمن اول حامل اولدقلى روولور و طبانجهنک جنس ونوعی حقنده محکمهجه ایضاحات آلمیان شهوددن دخی استیضاح و تدقیقات تعمیق ایدلیکی حالده بوجهتک برقاتدها تعین ایدجکی ادور بدیهه دن اولوب شو حالده متهملرک طاشیدقلى روولور و طبانجه جنسندن اولمق اوزره لوا و یا مرکز ولایت امانت مأمورانغده بولنه بیله جک و یا صور آخرله تدارک ایدیله بیله جک اولان عین جنس اسلحه مریمسیله جسد مقتولدن چقاریلان مریمک ییولرندن وجسدده حین اصابتده وقوع بولان تماس سیبیه قورشونک شکلی تبدل و تغیر ایتدیکی صورتده دخی وزناً مقایسه و تطبیقندن حقیقت حاکم تظاهری ممکن ایکن بوجهت مهمه دن وسلاحک فنا ثبوت بولان صورت استعمالنه و فاعل ایله مقتولک وضعیتلرینه نظراً ایکنجی بر شخصک معاونت و اشتراکی انضمام ایتدجکه یالکیز متهملردن بریسنک بووضعیتده مومی الیه عبدالباقی افندی یی قتل ایدیه یلمسی و مقتولک مقعدیه طوئلرنده کوریلان آثاره و مقتول ایله متهملرک بنیه و سنلرینه کورهده رفیقنک معاونتی انضمام ایتدجکه بریسی طرفندن البسه لری چقارلمق مقصدیه مقتوله جبراً فعل شنیعه تصدی ایتسی امکان فنیسی موجود اولوب اولدیغنک بحق تعمیقندن ذهول ایدیلرک و مقتوله متهملره مقتولدن ماعدا کیمسه بولمادینی جهتله شو صورتله میدانده اولان بر جرحه نک بو متهملردن هانکیسی طرفندن ایقاع ایدلیکی و دیگرینک فعلده درجه مدخلی نهدن عبارت بولدینی جهاتی میدانه چقاریلرک هر ایکینک اعداملرینه قرار ویرلسی و مدافعه شهودینک جلب و استماعنه دائر متهملرک استدعالرینک سبب قانونیه غیر مقارن مطالعات درمیانیله رد وقانونک متهملره بخش ایتدیکی بر طریق مدافعه دن محروم ایدلسی و شاهدلردن هیچ بریسنک تعریفات قانونیه دائره سننده امر تحلیفلرینک بالا اجرا ضبط و اعلامه درج و اشارت قلمنامسی مغایر قانون اولدینی بیانیله اعلام مذکورک نقضی طلب اولمشدر.

تدقیقات تمیزیه لدی الاجرا؛ تبلیغنامهده سرد ایدیلان اعتراضات مندرجات اعلامه نظراً وارد و مستلزم نقض اسباب قانونیه مستند اولدیغندن اصول محاکمت جزائی قانوننک اوچپوز اون دردنجی ماده سنه توفیقاً اعلام مذکورک نقضیه اوراقنک محانه اعاده و ایکیوز غروش اعلام خرجنک تحصیانه ۱۶ کانون اول سنه ۳۲۵ تاریخنده قرار ویرلدی.

محكمة تميز جزا دائره سندن صادر اولان ۶ محرم سنه ۱۲۲۸ و ۲۶ كانون ثاني سنه ۱۳۲۵ تاريخي و ۶۷۸۵۰ نومرولى اعلامك صورتيدر :

« چته لر نظامنامه سنك نشرندن مقدم ايضاع ايديلان جرمدن طولاي مخفف جزا »
 « احكامي شامل اولميان چته لر قانونه تطبيقاً ديوان حربه عايديتندن بختله »
 « خارج وظيفه قرارينك اعطاسي نفص حكيمى مستلزمدر »

يانيه اهالى خريستيانيه سنى حرکات خيمانه يه تشويق و تحريك ضمننده حكومت عثمانيه عليه نه نطق ايراد ايدليكي ادعا قلم سندن طولاي جنايتله متهم اولان ترزي لئونيدا پاتقراتيوي حقتنده نقلاً جريان ايدن محاکمه ده دعواي مذکورده نك ديوان حربه عايديته دائر سالانيك ولايتي استيناف محکمه سي جزا دائره سندن ويريلان ۲۰ تشرين ثاني سنه ۱۳۲۵ تاريخي و ۱۴۱۱ نومرولى اعلامك تميزاً تدقيقي مستدعي مرقوم لئونيدا طرفندن معطى استدعا نامه ايله اوراق سائرده دعوى باش مدعي عمومليك مأموريت عليه سندن ۲۳ كانون اول سنه ۱۳۲۵ و ۵۶۱۷ نومرولى تبليغنامه ايله محکمه تميز جزا دائره سندن کوندرلش و مذکور استدعا نك مدت و شرائط قانونيه سي دائره سنده اولديني آ كلاشيله رق قبول ايدلش اولغله كافه اوراق دعوى مطالعه اولندي .

متهم مرقوم لئونيدانك لايحه تميزيه سنده ؛ محاکمه نك نقلاً سالانيك استيناف جزا محکمه سنجه رؤيتي محکمه تميزك قرارينه مستند و عليه نه اسناد اولنان وقوعات ۱۰ تشرين اول سنه ۱۳۲۴ تاريخه مصادف اولوب محکمه جه تطبيق ايديلان چته لر قانوني ۱۰ ايلول سنه ۱۳۲۵ تاريخنده تنظيم و بكي نشر اولنديغنه و مخفف جزا اولان احكام قانونيه دن ماعدا قوانين ماقبلنه شامل اوله ميه جني جهته برسنه اول ايضاع اولنديني ادعا اولنان مسئله نك مذکور قانونه تطبيقاً ديوان حربه عايديتندن بختله عدم صلاحيت قرارى اعطاسي مخالف قانون بولنديغنه دائر اعتراض درميانيه و تبليغنامه ده دخي محکمه جه استيناف ايديلان و احكام مخففه يني شامل اولميان چته لر نظامنامه سي اخيراً نشر ايدليكي حالده مرقومك مابه الاتهامي اولان جرم اشبو قانونك نشرندن مقدم ايضاع ايدلسنه و مخفف جزا احوالدين ماعدا بر قانونك حكيمى ماقبلنه شامل اوله ميه جغه نظراً دعوا نك رؤيتي محکمه نك وظيفه سي داخنده اولديني حالده ديوان حربه عايديتندن بختله اتخاذ اولنان قرار يولسر و قانونه مخالف و لايحه تميزيه ده بو طريقه بجا و وارد اولديني بيانيله قرار مذکورك نقضى استدعا و طلب اولمشدر .

تدقيقات تميزيه لى الاجرا ؛ لايحه تميزيه عطفاً تبليغنامه ده سرد ايديلان اعتراض مندرجات اعلامه نظراً وارد و نقضى مستلزم اسباب قانونيه مستند اولغله اصول محاکمات جزاييه قانونك ۳۱۴ نجى ماده سنده توفيقاً اعلام مذکورك تقضيله اورا نك محله اعاده سنده و وزنيه مودوع بش ليرا تميز جزاي نقديس نك مستدعي يه اعاده سيله ۲۰۰ غروش اعلام خرج نك تحصيله ۲۲ كانون اول سنه ۱۳۲۵ تاريخنده قرار ويرلدى .

محكمة تميز جزا دائره سندن صادر اولان ۴ صفر سنه ۱۳۲۸ و ۱۹ شباط سنه ۱۳۲۵ تاريخي و ۷۸۲۶۰ نومرولى اعلامك صورتيدر :


« ۱۰ تموز سنه ۱۳۲۴ تاريخندن مقدم افعال جنايه ايضاع ايدليكي ادعا قلمنان شخص حقتنده تعقيبات اجراسي هر فعل الجون توقيف مذ كره سيله موقوف بولمسنه متوقف اولوب يالكز بر فعلدن موقوف اولسي افعال سائرده جنايه سندن طولاي تعقيبات اجراسي مستلزم دكلدر »

احراق و قتل نفوس و نهب اموال ماده لرندن مضمون عليه اولان عليكانلى عثمان اغا حقتنده مواد مذکورده نك ۱۰ تموز سنه ۱۳۲۴ تاريخندن مقدم و قوعوبولمسيه تعقيبات قانونيه اجراسنه محل اولنديغنه دائر اولان مستنطق قرارنامه سنك اعتراضاً بالتدقيق فسجيله مرقومك ديكر بر جرمدن موقوف بولمسنه نظراً ۸ اغستوس سنه ۱۳۲۵ تاريخي عفو قانونك اوچنجى ماده سي موجب سنجه مواد مذکورده دن دولاي ده حقتنده تعقيبات قانونيه اجراسنه دائر دياربكر هيئت اتهاميه سندن ويريلان ۵ كانون اول سنه ۱۳۲۵ تاريخي و بشيوز ايكي نومرولى مضبوطه نك تميزاً تدقيقي مستدعي ولايت مذ كوره استيناف مدعي عمومليك كنندن معطى استدعا نامه ايله اوراق سائرده دعوى باش مدعي عمومليك مأموريت عليه سندن ۱۹ كانون ثاني سنه ۱۳۲۵ تاريخي و آتى يك يوز يكرمى آلتى نومرولى تبليغنامه ايله محکمه تميز جزا دائره سندن کوندرلش و مذکور استدعا نك مدت قانونيه سي ظرفنده ويرلديكي بالتدقيق ا كلاشيله رق قبول ايدلش اولغله كافه اوراق دعوى مطالعه اولندي .

محلى مدعي عمومليكك لايحه تميزيه سنده ؛ مرقوم عثمان اغا نك موقوف بولنديني ماده دن يدى بحق سنه يه محكوم اولوب مدتى ا كال ايله تخليه ايدلش اولديني حالده ۱۰ تموز سنه ۱۳۲۴ تاريخندن مقدم ايضاع ايدلش اولان ديكر مواد جنايه دن مضمون اولديني بيانيله دائره استنطاقه تسليم ايدلسي اوزرينه مواد مذکورده دن تعقيبات ايفاسنه محل اولنديغنه دائر اولان مستنطق قرارنامه سي مرقومك ديكر برماده دن ۸ اغستوس سنه ۱۳۲۵ تاريخنه قدر موقوف قالديني سبيله اوانان اعتراض اوزرينه هيئت اتهاميه جه عفو قانوننامه اخيرينك اوچنجى ماده سنده كي «موقوف» قيدينه نظراً فسح ايديله رك ديكر ماده لرندن دولاي ده مرقوم حقتنده تعقيبات قانونيه ايفاسنه قرار ويرلش ايسه ده مذکور قيد قانوني قواعد اساسيه حقوقيه نقطه نظرندن مضمونك موقوف اولديني ماده دن طولاي تعقيبات ايفاسي لازم كله چكنه عايد اولوب افعال سائرده شمولي اولمديغندن و سائرده دن بختله و تبليغنامه ده دخي بعض اعتراضات سرديله و لايحه مندرجاتنك بجا اولديني بيانيله مذکور مضبوطه نك نقضى استدعا و طلب اولمشدر .

تدقيقات تميزيه لى الاجرا ؛ ۸ اغستوس سنه ۱۳۲۵ تاريخي عفو قانونك اوچنجى ماده سي موجب سنجه ۱۰ تموز سنه ۱۳۲۴ تاريخندن مقدم ايضاع ايدلش جنايت افعانندن دولاي تعقيبات قانونيه اجراسي مضمونك

افعال مذکور در دولای موقوف بولمنسنة متوقف اولدیغنه و دیگر جرمدن موقوفیتی مامله قانونیه اجرایی استلزام ایدمه چکنه و بونلرک قانون مذکورک ایکنجی ماده سندن مستفید اولمری لازم کله چکنه و بوجهتلی تضمن ایدن لایحه تمیزیه مندرجاتیه تبایغنامه محتویاتی وارد و بجا کورلدیکنه بناءً اصول محاکات جزائی قانونک اوجیوز اون دردنجی ماده سی احکامنه توفیقاً مضبطه مذکورده نک تقضیه اوراقلک محله اعاده سینه ۲۰ کانون ثانی سنه ۳۲۵ تاریخنده اکثریتله قرار ویرلدی .



انجمن عدلیه مقرانی


انجمن عدلیه دن اعطا اولنان ۲۳ تشرین ثانی سنه ۳۲۵ تاریخلی قرارک صورتیدر :

«اموال غیر منقولیه عائد تصرف و بیع و شرا دعوالرینک سندات رسمیه مستند اولمادجه استماعک ممنوعیتی حقنده کی اراده سینه حکمی، شمدی به قدر تحریری اجرا ایدامش بولنان محله شامل دکدر»

سلانیک استیناف مدعی عمومیلکنندن بالتقدیم انجمن عدلیه حواله بیوریلان ۷ تشرین ثانی سنه ۳۲۵ تاریخلی تحریرات مطالعه اولندی .

خلاصه مالی؛ اموال غیر منقولیه عائد تصرف و بیع و شرا دعوالرینک سندات رسمیه مستند اولمادجه استماعک ممنوعیتی بوبابده کی اراده سینه نک تاریخ نشرندن مقدمکی عقود و ماملاته شامل اوله مایه جنی طبعی ایسه ده هنوز املاک و اراضیسی تحریر و طاپویه ربط ایدلیان قضا کرده اقامه ایدیلجک بومقوله دعاوی حقنده سندات عادیه ابراز و یا شهود شخصی استماعی جائز اولوب اولیه جنی طاشوز بدایت محکمه سی ریاستندن استعلام ایدلسنه و اوجیوز اون سکز سنه سی اوائلنده اشغال عثمانی تحتنه آلتان قضاء مذکورده اولجه طاپو معامله سی مسبوق اولدینی کی تاریخ مذکورده صکره دخی معامله تحریریه اجرا ایدلمه مش بولمنسنة نظراً اولنه جق معامله نک استیدانی حاوی اولدینی کورلدی .

ایجابی لدی التذکر؛ بوبابده کی ممنوعیتی متضمن اراده سینه تحریر معامله سی اجرا و اراضیسی طاپویه ربط ایدلمش اولان محله ده جاری اولوب شمدی به قدر تحریری اجرا ایدلمه مش بولنان بوکی یرلرده تحریر معامله سنک اجراسنه دکن سابق وجهله عرف و تعامل محلی به نظراً ایفای معامله نک ضروری اولدیغنه متفقاً قرار ویرلدی .



انجمن عدلیه دن اعطا اولنان ۱۹ تشرین ثانی سنه ۳۲۵ تاریخلی قرارک صورتیدر :

«اموال غیر منقولیه مراد قائمه سنک ضیاعی حالنده مراسم قانونیه نک اجرا ایدلیکنه دائر اولان ضبط ورقه سی مراد قائمه سی مقامنه قائم اولور»

ایدین عدلیه مدیریتدن نظارت جایله رینه بالتقدیم انجمن عدلیه حواله بیوریلان ۱۰ تشرین ثانی سنه ۳۲۵ تاریخلی تحریرات مطالعه اولندی .


خلاصه مالی؛ دکزلینک روم محله سی اهالیسندن حاجی خرستو کریه سی اسپینانک زراعت بانک سینه مرهون بولنان ترلاسی بالمزایده بدل معلوم ایله مشتریتی عهده سنده تقرر ایدرک قرار داده سی کشیده اولندقدن و ایکنجی اعلانی اجرا قلندقدن صکره اولبابده کی مراد قائمه سی منادی طرفندن ضایع ایدلیکی جهتله بوبابده تنظیم اولنان ضبط ورقه سنک مراد قائمه سی رینه قبولی جائز اولوب اولمادینک استیدانه دائر اولدینی کورلدی . لدی التذکر؛ اموال غیر منقولیه نک فروختی حقنده کی نظامنامه مندرجاتی وجهله اعلانات وامثالی شرائط لازمه ایفا و تعریفات قانونیه دائر سنده ضبط ورقه سی تنظیم ایدلمش ایسه مذکور ورقه نک مراد قائمه سی رینه وضیله اجرای معامله نک جوازینه متفقاً قرار ویرلدی .

انجمن عدلیه دن اعطا قلنان ۲۸ کانون اول سنه ۱۳۲۵ تاریخلی قرارک صورتیدر :

«بیشوز غروشه قدر مبالغی محوی بولنان اعلامات ایله فقر و ضرورتلی تحقیق ایدن مدعیله قارشو کوستریلان مساعده مخصوصه اخیره ربع خرچله شامل دکدر»

وصوه استیناف مدعی عمومیلکنندن وارد اولوب انجمن عدلیه تودیع اولنان تحریرات محاسبه مذکره سی ایله مطالعه اولندی .

متن تحریراتده بیئن اولدینی وجهله ۸ آغستوس سنه ۳۲۳ تاریخلی ماده قانونیه نک فقره اولیسنده فقر و ضرورتلی بر منطوق حکم قانون ثابت اولان مدعیلرک لهنده صادر اوله جق اعلاماتده اولجه کندیلرندن آلتیان خرج و رسوم کوستریلرک رسوم مذکورده عندالاجرا محکوم علیهمدن تحصیل اولمقده و بیشوز غروشه قدر مبالغی محوی بولنان اعلاماتدن قیدی و تبایغیه آلتیایوب ایلروده محکوم علیهمدن تحصیلی جهته کیدلمکده ایسه ربع خرچک بوجه پشین اخذی صراحت متعده ایله تأکید ایدلمش بولندیغندن خرج مذکورک آخر بر قانون ایله الغای زمانه قدر تحصیلی لزومنه متفقاً قرار ویرلدی .



مسائل انتباه

عجلون ناٻي وبدايت محكمه سي رئيسي محمد علي ومحكمه مذ كوره اعضا سندن ولس وسليم ومدعي عمومي معاونيكي وظيفه سني ايفايه مأمور پوليس قوميسري عفيف ومستنطق معاوني محمود افنديلرڪ مواد معينه ده اخذ رشوتله وظائف قانونيه ليني سوء استعمال ايلديكاري اجرا قلنان تحقيقات نتيجه سندن آكلا شلمسنبه بناء مومي اليه محمود افندي حقنده توحيداً اجراي تعقيات اولفق اوزره مومي اليهك تحت محاكمه آلملرينه عدايه نظارتندن امر وماذونيت ويرلشدر .

سائقه ارتكاب وارثا ايله مواد معلومه ده وظائف قانونيه ليني سوء استعمال ايلديكاري اوراق تحقيقيه سنك تدقيقاتندن نمايان اولان باب قضاسي بدايت محكمه سي اعضا سندن مستنطق محمد اغا ايله مستنطق معاوني سامي ومحكمه باش كاتي شفيق افنديلرڪ محاكمه آلملرينه عدايه نظارتندن امر وماذونيت ويرلشدر .



قانوني امور

مقدمات قانونيه

نقل دعوى؛ قانونك تعيين ايتديكي مرجع لردن وظيفه صلاحيت مخصوصه يني رفع و سلب ايدى جك بعض احوال واسباب استثنائيه نك ظهور وحدوثه منحصر وشامل اولقى حيثيله طرق فوق العاده قانونيه دندر . اصول محاكمات جزائيه قانونك (نقل دعوى) فصل مخصوصى احكام مندرجه سندن مستبان اولديني اوزره جرائم متنوعه دن طولاني بر مستنطق وهيئت اتهميه ويا محكمه حضورنده در دست رؤيت بولنان دعاوينك استدعا اوزرينه امنيت عموميه يني محافظه ويا خود شبهه يني داعي اسباب مقبوله نظاميه يه بناء او درجه ده ديكر مستنطق وهيئت اتهميه ومحكمه يه وظيفه محكمه تميز قراريله نقل اولنور .

اشبو نقل ماده سنده طرفينك استدعاسي مندرجاتي مجرد شبهه يني داعي اسباب مقبوله نظاميه يه مستند اولقى لازم كلور .

امنيت عموميه يني محافظه قيد قانونيسي اجراي تحقيقات ومحاكمه اثناسنده خالا ومصاحبه بعض محاذير ملكيه واسباب سياسييه الجاسي واعيت وزاكت موقعيه اينجابي نقطه نظرندن آسايش عمومينك خلايلير اوله بيله جكنك محتمل وملاحظ بولمسندن نشأت ايدر .

على الاطلاق اسباب مقبوله نظاميه ايسه مستنطق وهيئت محكمه طرفلردن او ايشده وظيفه حاكميتي سوء استعمال ايدى جك درجه ده معاملات قانون شكنانه وقوع بولسى ويا احد طرفين حقنده اترتاحب وحمايه كوستلدى ويا خود مستنطق وهيئت اتهميه ومحكمه نك اودعواده بر طرفك قوه نفوذيه وتأثيرات شديد سي التنده بولمى كى تعيين وتقدير اوانه جق وهيئت حاكمه حقلرنده (اشكا عن الحكم) واكثر اعضا ايچون (ردحكم) مثللو طريق قانونيه يه مراجعت اولنوبده بعض اسباب ضروريه يه مبنى اوايشده تشكيل محاكمه قابل اوله ميه جق حاللردن واعضاي محكمه دن بعضلرينك اودعواده علاقه دار اولملرى ويا مشتكى ومدعي شخصي وشاهد صفتنده كورمللرى ويا خود طرفيندن برينك اقراسندن بولملري كى مثاللردن عبارتدر .

فقط مدعى عمومى عليه بوقيلدن بسط اوله جق شكايات واعتراضات - اودعواده مدعى عمومىك
وظيفه سنك اعضادن برديكرينه توديع قلمسى جائز اوله جغه مبنى - نقل دعوايى مستلزم اسبابدن دكلدر .
كرك امنيت عموميه وكرك اسباب مقبوله نظاميه اوزرينه نقل دعوى اساسلرينك موضوعنى تشكيل ايدن
تدابير اعداديه فوق العادىك اتخاذده كي مقصد وحكمت مندجه حقوق عموميهك تمامى تمشيت ومصونيتى
وسائلك استكمالى ضمنده احكام قانونيهك عادلانه وبيطرفانه حسن جريانى تأمين وتنسيق ايجوندرد .

على كلا التقديرين تشكيل محاكم قانونيك محكمه تميزك وظائفى تعيين ايدن تعديلات اخيردهسى موجبجه
(نقل دعوى) ماده لرينك مرجع تدقيق ورؤيتى محكمه تميز استعدا دائرهسى اولديغندن اولابده كي استعدا
نامه دائره مشاراليا رياست عليه خطابه تنظيم وتقديم اولتمق واسباب قانونيه يى جامع بولتمق شرائط
اساسيه دندر .

اسباب مقبوله مستند اولان نقل دعوى استعداسنه يالكر اوايشده علاقه دار اولانلر صلاحيتدار اوله من
هر حالده دعوايه داخل اولمق و طرفيندن بولتمق لازمه دندر . بناء عليه خبر ويامشتكى اولوبده مدعى شخصى
صفتى جائز اوليان اشخاص نقل دعوى استعداسنده بولنه منلر . جنايتله متهم اولوبده فرارده بولنانلر
وعن الغياب محكوم اولنلر حال موقوفيتده بولندجه نقل دعوى استعداسى ويره منلر ايسده جرائم مشتركه
ومرتبطه وجاهاً تحقيقات ويحاكمه لرى در دست بولنان مظنون ومتهمله تبعاً فرارى شريك جرملر حقنده
دخلى نقل دعوى معاملاتك جريان قانونيسى طبعيدر .

هر حالده نقلى طاب اولنان دعوايى جزائيهك مرجع قانونيسنده در دست تدقيق بولتمسى مشروطدر .
هنوز اقامه اولنميان بر دعوانك نقانى استعدا جائز اوله منر .

امنيت عموميه يى محافظه مقصدينه مستنداً دعاوى واقعهك نقانى طلبه انحق محكمه تميز باش مدعى
عمومىك مأموريتك صلاحيت قانونيهسى واردر . صورت استعمالى مطابقدر . بوباده بدايت واستيناف
محاكمى مدعى عمومى لرى طرفندن تنظيم وعدليه نظارت جايله سته تقديم قلنان لايحه اوزرينه قانونك مأموريت
مشار اليابه ويرديكى صلاحيت مخصوصهك استعمالى حائنده محكمه تميزجه اسباب موجبكه تدقيقه حاجت
قالبميزين در حال نقل دعوايه قطعياً قرار ويريلور .

اما يالكر مدعى عمومىك استعدا نامه ولايحه لرى مندرجاته عطفاً طلب وقوعبولش ايسه محكمه تميز
لزوم كوريلان جهتلردن طولاني ايضاحات مطلوبهك اعطاسى حقنده محلى استيناف محكمهسى مدعى عمومىك ايسه
تبليغ كيفيت اولتمنى امرايدر . والحاصل تنسيب وتصويب ايدجهكى تدابير اعداديه قانونيه يى اتخاذ ايلر .

اسباب مقبوله نظاميه يى مبتنى اوله جق نقل دعوى ايسه مدعى عمومىك ايله مدعى شخصىلر ومظنون
ومتهملر طرفندن طاب واستعدا اولانه بيلور . شو سبب ثانى قانونيه يى بناء ويريلان مستدعيات اوزرينه
محكمه تميزدن صادر اولان مقررات اوج نوع قانوني آتية انقسام ايدور .

برنجيدى ؛ استعدا نامه مندرجاتك اسباب مقبوله نظاميه يى جامع اولماسندن ناشى محلى مدعى عمومىك ايسه
نقل دعوى حقنده مدلل مطالعه طاب واستفسارينه لزوم كورنمكميزين استعدا همان رد ايديلور . نقل دعوى
استعداسنك ردى حائنده مؤخرأ ظهور ايدجهك اسباب قانونيه اوزرينه ديكر استعدا نامه ايله ينه اودعوانك
نقلى طلبنده بولتمق جائز اولور .

ايكنجيدى ؛ استعدا نامه ايضاحات لازمه يى حاوى اولمدينى تقديرده جرمك نوع قانونيسى وايشك
درجهسى اكلا شلمق ومظنون ويامتهمك شريك جرملرى وارايسه اساميسى بيلديرك و ايجابى حائنده اوراق
دعوى دخلى جلب اولتمق اوزره ايشك عائد اولدينى استيناف محكمهسى مدعى عمومىك ايسه برقطعه تذكره
ايله محتاجه جريان ايدن معامله ونقل دعوايه دائر مدلل مطالعه استفسار ايديلور .

اوچنجيدى ؛ استعدا نامه درميان اولنان احوال اسباب مقبوله نظاميه دن معدود ايسه محكمه تميز
قابل اعتراض اولمق اوزره نقل دعوايه قرار ويره بيلور .

نقل استعداسى ومذكره اصدارى كي احوالده اول دعوايى رؤيت ايدن مستنطق ومحكمه تأخير معاملات
مجبور دكلدر . حتى نقل دعوى قرارى بيله دعوانك قالديرلدينى مستنطق ومحكمه لره اصولاً تبليغ اولندجه
تحقيقات ومحاكمهك دوام جريانى تأخير باده اوله منر . مكركه مستدعى اولابده محكمه تميزدن صادر اولان
اعلامك صورتى ابراز ايتمش اولسون .

محكمه تميزك استعلام قرارى مذكره سيله مدعى عمومىك ايسه طلب اولنان مطالعه جوابنك ورودييه
نقل استعداسنك ردوياقبولى حقنده اصدار اوله جق قرار محتانه تبليغ اولنجه يه قدر مادامكه معامله جاريهك
تأخيريله بو حال ذاتاً حكم تحتنه النيان محاكمهك دوام جريانه مانع اولنه ميه جغيجون نه يابلتمق اقتضا ايدر ؟

۴۴۳ نجى ماده احكامنك دعاوينك تعيين مرجعى حقنده اولان ۴۲۳ نجى ماده سيله تأليف وتوفيقى
صورتنده ۴۴۳ نجى ماده محتوياتك نقل دعوى خصوصلرنده دخلى جارى اولدينى اكلا شيلور . ۴۲۳ نجى
ماده يه مراجعت اولنور ايسه محكمه تميز تعيين مرجع ماده لرنده اوراقك طرفينه تبليغه قرار ويرديكى حالده
تبليغ امرينى حاوى مذكره طرفينه تبليغ اولندينى آنده على العموم اودعوايه دائر در دست رؤيت بولنان
مرافعات ومحاكماتك تأخير وتعطيل اولنه جنى مصرح بولنمسنه نظراً كرك تعيين مرجع وكرك نقل دعوى
خصوصلرنده محكمه تميزك شوايى صورته قرار ويره بيله جكى مستبان اولور .

برى (۴۲۰) و (۴۲۱) نجى ماده لر احكامنجه اوراقك طرفينه تبليغ اولتمسى امر ايتك وديكرى
ايلورده اعتراض اولنه بيلمك شرطيله خصوص مستدعايه قطعياً حكم ايلكدر .

شوحالده بومثالو دعاويد مدلل مطالعه طلبنه دائر صادر اوله جق قرارك تبليغ اوراق جغتى دخلى
تضمن ايدجهكى طبيعت مصلحت ايجابندن بولنمشدر . چونكه محكمه تميز مادامكه نقل دعوى استعداسنك
در حال قبول وياردنى تنسيب ايتامشيدر ومادامكه ۴۳۸ نجى ماده حكمه توفيقاً اولابده كي مستدعياتى

برمذ كرهيه لفا دعوانك رؤيت اولمقدده بولنديني محكمه نك مدعي عموميسنه ارسال ايله مطالعه سنك مدلا استفسارينه قرار ويرمشدرد . بناء عليه قرار واقعك تبليغ اوراق امرينده ده شولى اولمى لازم كلان قرار اعدادى قيلمندن اولديغنده شبهه يوقدر .

واقعا ۳۸ نجى ماده مطالعه طليه برابر استدعانك ديكر طرفه تبليغى الزم اولمىوب هر نه قدر تبليغ معامله ي بوماده قانونيه نك متنده كي (لدى الحاجه) قيديله محكمه تميزك اختيارينه براغلمش ايسه ده مدلل مطالعه طلي مرحالده اودعوايه دائر اوراقك تسياريله مشروط بولنديني ماده مذكوره نك احكام صريحه سندن نمايان اولمقدده در . اوراقك ارسالي طلب ايسه طبعي تاخير معامله و محاكمه ي انتاج ايدر .

اكر محكمه تميزك مذكوره سنده بوكادائر صراحت يوق ايسه طبعي دركه تعطيل معاملات اولنه مز . بوحالده دعوانك رفعي طلب اولنان مستنطق ويا محكمه نك دوام تحقيق و محاكمه ي صلاحيتي اوله ييلور .

ايشته مطالعات مبسوطه يه نظراً او يولده براستدعانا مه ويرلديكي تقديرده بوجهت اولبايده محكمه تميزدن مقدمه اعطا قلنان مذكوره نك تفسيرينه تعلق ايدجكي ايچون محكمه تميزجه نقل دعوى استدعاسنك قبول ويا ردى حقنده برقرار قطعي صدورينه دكين تاخير محاكمه امري نك تسطير و تبليغى لازم كاور . زيرا محكمه تميزك مذكوره سنده استناد ايتديكي ماده مجوت عنها موجبنجه استدعانك ديكر طرفه تبليغى مقتضى واوراق دعوانك ارسالي طبعي بولمسنه مبنى مذكوره مذكوره ي تفسيراً احوال مائلده محكمه تميزجه مقررات عديده اتخاذ اولمشدرد . نقل دعوى قرارينك مدعي عموميله تبليغندن اول محلى محكمه سنجه حكم لاحق اولور و نقل قرارينك حكم ويرلمزدن اول صادر اولديني تاريخلرينك مقايسه سندن اكلاشيلور ايسه بعض حكماى حقوق جزائيه اولجه كندوسندن رفع وديكر محكمه يه نقل ايديلان بر دعواي يه او محكمه نك رؤيت و حكم ايتمى صلاحيت قانونيه ي خارجنده بولنديغندن كآن لم يكن حكمنده بولنان اعلامك نقضيله نقل دعوى قرارينك تأييد وابقاي لازم كله جكي مطالعه سنده بولمشلرايسه ده بعض مؤلفرك افكارينه كوره دعواى واقعه نك نقل دعوى قراريني متضمن اولان اعلامك محله وصول و تبليغندن مقدم حكم اعطا اولمش و محكمه نك كيفيت نقلدن خبردار اولمديني بر زمانده دعواى منقوله نك رؤيتيه تحت قراره آلمنى خارج از صلاحيت عد اولنه ميه جنى طبعي بولمشدرد .

شوقدر كه نقل دعوى قرارى ايشك رفع اولنديني محكمه ده دعوانك رؤيت و حكمندن مؤخر اولور ايسه ديمك كه در دست رؤيت بر دعوى بولنديني زمانده نقل استدعاسنه تشبث اولمش و تعبير آخرله ارتق ميدانده نقل ايديله جك بر دعوى قالمش اوله جغندن نقل دعوى قرارينك محكمه تميزجه اعاده ي اسبابنك طريق قانونيسى واردر . مسائل مهمه قانونيه دن بولنان نقل دعوى ماده لرنده اول باول نظر تدقيقه آله جق نقاط اساسيه دن بريده بودر كه: مدعي شخصيلرايله مظنون و متهملر و مخبر و شاهدلرى اكثريت فوق العاده تشكيل ايدن دعوا لرك نقلنده اختيار كافت و مصرف ايله بعض محاذير و مشكلات ظهورى ماحوظ اولمق و تشكيلات عدليه ي قوانين و نظامات مخصوصه يه تابع طو تليق كې ايجابات محليه جاي نظر اهميت اولديغندن بوقيل دعواينك نقلي جائز اوله مز .

بونك ايچوندر كه نقل دعوى اولنه جق مستنطق ويا محكمه نك رفع دعوى ايديلان مستنطق و محكمه نك منسوب اولديني محله همجوار اولمى ، معاملات نقليه نك تسريع و تسهيل مقتضياتنه مدار اولمق نقطه نظرندن محكمه تميزجه نظر مطالعه يه انهرق اساسه توفيقاً دعوانك اودرجه ده نقل اولنه جنى محل تعين و تنسيب اولنور . نقل دعوى مقرراتى مواد مستعجله دن اولمق حسيله دعوانك قالد يرلديني مرجع قانونيك مدعي عموميسنه در حال تلغرائله معلومات اعطا واولبايده كي تميز اعلاميله صورتى دعوانك رفع و نقل اولندقلرى محللر مدعي عموميلكلرينه اصول وقانون دائره سنده ارسال ايله تبليغات لازمه اجرا اولنور .

محاكم جزائيه ده رؤيتي لازم كلان مواد جله سندن معدود اولمديني ايچون رسم نمنا قانوننه متعلق جزاى نقدى دعوا لرينك نقلي جائز دكلدر . بناء عليه دعاوى حقوقيه نك دخى نقلنه مساع قانونى يوقدر .


نقل دعوى قرارى عليه نه ويريله جك اعتراض استدعاسي تميز اعلامى صورتنك تاريخ تبليغندن اعتباراً اوچ كون طرفنده اعطا اولمق و تميز اصولنه توفيقاً مقرضرك هر برى طرفندن ويرلمى لازم كلان بشرليرا جزاى نقدى توديع وايفا ويا حكومت محايه دن مصدق بيقدردت شهادتنامه ي استحصال واعطا قلنمق لازمدر . بوشرائطى جامع اوليان اعتراض استدعالي نك ردى طبعي اولديني كې نقل دعوى قرارينك مستند اولديني اسباب مقبوله نظاميه نك عندا اعتراض اخيراً زائل اولديني اكلاشيلور ايسه نقل دعوى قرارى بالاسترداد دعواى منقوله يه مرجعه اعاده اولنور . شوبله كه نقل دعوى اسبابنك اخيراً مرتفع اولمى كې احوال قرار واقعك اعاده سنى مستلزم اسبابدن عدايديلور .

اعتراض استدعالي اوزرينده لدى الحاجه مدعي عموميلكدن مدلاً مطالعه طلب اولنه بيلور . استيناف و تميزكي طرق قانونيه يه توسل و مراجعتله حصول مقصد عداثته كافى وكافل اولان احوالده نقل استدعالي نك ردى ايجاب ايدر .

مواد مهمه و مستعجله ده اسباب مقوله يه مستند اولان مستدعيات تلغرافيه اوزرينه نقل دعوى معاملاتى جريان ايتمكدده ايسه ده تلغرافله تعين مرجع دعوى استدعاسنده بوليله مز . چونكه مقررات واقعه ده اختلافات ساييه و ايجابيه ي استلزام ايدن اسباب قانونيه اكلاشامق ايچون اوراق اساسيه نك مطالعه سنده لزوم كورنمك حسيله تلغرافنامه ده درميان اولنه جق صورت اشعارك حال حاضرى اعتباريله تميزاً معامله اجراسنه قابليت قانونيه ي كوريله مز .

شوراسيده معلوم اولسون كه ۳۳۰ نجى و ۳۳۵ نجى ماده لر احكامنجه محكمه تميز قباحت و جنحه و جنابيه متعلق بر حكم اعلامى نقض ايدليكى حالده دعواي تكرر رؤيت ايچون يا اعلام منقوضى ورن محكمه يه اعاده ويا خود بعض اسباب قانونيه يه مبنى او درجه ده ديكر مناسب بر محكمه يه حواله ايتمكدده مختاردر .

طلعت



معلم محمد عزيز بك افندي يه

رفيق محترم افندم

جريدة عدليه ده نظريات حقوق جزا حقنده يازمش اولديغكنز موجب استفاده مقاله لريكنزدن طولاي ذات عاليلرني تبريك ايدرم . علم حقوقك الك مهم بر قسمني تشكيل ايدن حقوق جزا حقنده نه قدر يازسه ، نه قدر سوز سويانسه جائز اولديني كبي بر مسئله حقوقيه نك حلي ضمننده يكديكرينه ضد نه قدر سوز سويانسه اومسئله نك حله او قدر خدمت ايديش اوله جنبي آشكارد . بناء عليه جريدة مذكوردنك ۴ نجبي نومرو سنده اجتماع جرائم حقنده يازمش اولديغكنز مقاله نك بر جهتنده بيان بيوردنغكنز مطالعاته اشتراك ايدميه چكمي عفو كوزه مغروراً عرض ايلرم . شوبله كه : ارتكاب اولنان متعدد جرائمك يكان يكان تدقيق لازم كلوب كليه چكي مسئله سني ايضاح بيوردنغكنز زمان « ارتكاب اولنان جرملرك درجاتي مختلف ايسه اك آخر جرملر مرقبه جراسني حكم ايتك كفايت ايدر . مثلاً بر طولانديريحيلاق بر شتم وتحقير وبر عرضه جبراً تعرض جرمي ايقاع اولنش ايسه طولانديريحيلاق ايله شتم وتحقير جنحه وجبراً عرضه تعرض ايسه جنات اولديغندن يالكنز جنات درجه سنده بولنان جرملر مخفي و محاكمه سبب جراسني حكم ايتك كافي اولوب ديكر جرائمك مخفيات و محاكمه نوز جزالرينك بشقه بشقه تعيين و محكمه هاجت برقرار » بيوردنغكنز كبي بر آزا آشايغينده ارتكاب اولنان متعدد جرائمك درجه ي مساوي اولديني تقديرده جمله سنك ايري ايري محاكمه سنك اجراسي لازمه كله چكبي بيان بيورمغله برابر « تطبيقاتده مشكلاته و بلكدده بيورده مسئله سبب اوله بيله چكبي » بيان ايله بوني دخي توب بيورمديغكنزي سويليورسكنز .

ظن عاجزانه مه كوره بر كمسه جنات و جنحه درجه سنده بعض جرائم ايقاع ايلديكي تقديرده يالكنز جنات درجه سنده اولان جرمدن طولاي تحقيقات و محاكمات اجرا اولنوب جنحه درجه سنده اولان جرمدن طولاي تحقيقات و محاكمات حاجت يوقدر يولنده كي مطالعه كنز طوغري دكلدر . في الواقع اجتماع جرائمده اك آخر جرمه مرتب جزا حكم اولنوب خفيف جرائمك جراسي حكم اولناز ، فقط خفيف جرائمه جزا تعيين اولنامش ايسه تحقيقات و محاكماتك عدم اجراسي استلزام ايتاز . زيرا تحقيقات و محاكمات ايله تعيين جزا خصوصاتي بشقه بشقه شيلدر . ولو كه خفيف اولان جرائمه جزا تعيين اولنسون هر حالده تحقيقات و محاكمات اجراسي ضروريدير . بوده هم مظنونك ، هم مدعي شخصيك و همده هيئت اجتماعيه نك منافي اقتضاسندن در . بونلري ايضاح ايدم :

مظنونك منفعتي : بر جنات و برده جنحه ايشلمش اولق اوزره جهت عدليه توديع اولنان بر كمسه ايكي جرمدن طولاي مظنون بولنور . هر كس كندوسنه اسناد اولنان جرملردن طولاي حق مدافعه يي حائز اولديغندن ، اكر ذات عاليلرينك بيوردنني كبي تحقيقات و محاكمات يالكنز جنات درجه سنده بولنان جرمه

حصر ايديلوب جنحه حقنده تحقيقات و محاكمات اجرا ايدلسه اول كمسه يي مدافعه دن محروم ايتش اولورز ، حالبوكه اكر جنحه حقنده محاكمه اجرا ايدلسه احتمال كه اول كمسه براءت قزانه بيلور . تيريه ذمت ايتك احتمالي موجود ايكن نيچون محاكمه اجرا ايتيه رك كندوسني براءت ايتك احتمالدن محروم براقلم و هر حالده او جرملر فاعلي كبي تلقى ايدم . ديكر طرفدن هر نه قدر جنحه درجه سنده اولان جرمه جزا تعيين اولناز ايسه ده جنحه نك وجودي اسباب مشدده قانونيه تشكيل ايددجكي انكار اولنه ماز . حالبوكه محاكمه سي اجرا اولنورق براءت قزانسه اسباب مشدده يي رفع ايتش اولور . شوملا حظاته مبنی جنحه درجه سنده اولان جرمدن طولاي دخي تحقيقات و محاكمات اجراسي بالذات مظنون و مهمك منفعتي ايجاباتندن در .


مدعي شخصيك منفعتي . بويله بر جنات و برده جنحه ارتكاب ايدن كمسه حقنده يالكنز جناتندن طولاي تحقيقات و محاكمات اجرا اولنوب بيوردنغكنز كبي جنحه دن طولاي تحقيقات و محاكمات اجرا اولنورز ، جنحه ده هدف و بناء عليه متضرر اولان شخصي حقوق شخصيه سني استحصالدن منع ايتش اولورز . واقعا حقوق محكمه سنه مراجعته حقوق شخصيه سني استحصال ايدميه چكبي درميان اولنه بيلور ايسه ده جهت حقوقيه و جزاييه ده كي اسباب ثبوتيه آره سنده موجود فرق نظر دفته آلا حلق اولور ايسه ك حقوق محكمه سنه مراجعته مجبور قيلديغمز مدعي شخصيلرك قسم اعظمي استحصال حقوقدن محروم براقش اولورز . شو حالده جنحه دن طولاي محاكمه نك اجراسي مدعي شخصيك دخي منفعتي اقتضاسندن در .

هيئت اجتماعيه نك منفعتي : اكر تحقيقات و محاكمات يالكنز جنات حقنده اجرا اولنوب جنحه حقنده محاكمه جريان ايتنرسه او جنحه نك صورت و اسباب وقوعي ، فاعلك حقيقه جناتي ارتكاب ايدن مهم ويا بر بشقه سي اولوب اولمديني و مشترك فاعلاري و معينلري بولنوب بولمديني مجبوايتمده قالور . بو خصوصاتك تظاهري انحق محاكمه ايله اوله بيلور ، شايد جنحه نك فاعلي جناتي ايفاع ايدن مهم اولوب ديكر بر شخص ايسه واكر مشترك فاعلار و معينلر وار ايسه بونلر تحقيقات و محاكماتك عدم اجراسندن طولاي جزادن وارسته قالورلر . شو ايضاحاتدن دخي اكلا شيلور كه خفيف جرمدن طولاي تحقيقات و محاكماتك اجراسي هيئت اجتماعيه نك دخي منفعتي ايجاباتندن در .

بناء عليه بر جنات و برده جنحه يي ارتكاب ايدن بر شخص هر نه قدر يالكنز جنات فاعلك جزاسيله مجازات اولنور ايسه ده ارتكاب ايتديكي جنحه دن طولاي دخي تحقيقات و محاكمات اجراسي لازمدر .

حقوق فاكولته سي معلملرندن

ديران



حریت شخصیه نك صورت وقایه سی

حقوق شخصیه نك محافظه سی. ایکی نقطه نظر دن مطالعه اولنه بیلیر : فردك بذاته حقوق مشروعه سی مدافعه یه مجبوریتی نه درجه طبیعی وجبلی ایسه آهنگ وانتظام عمومینك وقایه سی مابه القوام سطوقی اولان حکومتلرده دخی حقوق افراده اودرجه رعایت ومخالفی احوالك ارتکابندن اومرتبه مجانبت اولنور. حقوق مقدسه بشرک ایدى تخریب و تجاوز اچیق بر اقلدینی یرلرده انتظام وسعادت اجتماعیه یوق مثابه سنده در . تاریخ بشر مطالعه اولنورسه کوریلورکه ؛ برقوق قانلی حروب ومنازعات حقوق مذکوره اوزرینه پرده اعتساف کرمک ایستیان ظلمه نك تخریب آمالی ایچون وقوع بولمش ، متعدد قانلی مصادمه لر بومقصد وامل تعقیب اولنورق وجوده کتیرلشدر . تاریخ عتیق وجسید بو افادانك جانی ، مفصل مثالریله مالاملدر . قاتولیک تعصبنك خرسیتیاناق عالنده تحمافرسا آلام ومصائب تولید ایلدیکی زمانلر (لوتر) حقوق انسانیه یه بشقه لرندن زیاده رعایتکار اولدیفی کوستردك علوشان قزاندی. فرانسه انقلاب کیری ، آریستوقراسی بی محو ایدرك عناصر انسانیه یه طاری اولان ظلم واستبداد حسلرینی خیامیدن خیلی تهوین ایلدی .

خلاصه اقوامك مختلف شکللر انتده مطالعه اولنه بیان کونا کون انقلاب و اختلاللری ، فردك حقوق مشروعه ومکتسبه سی درجه درجه ترصین ایدرك بوکونکی حق وعدل فلسفه اجتماعیه سی تولید ایله حقوق بشرک تمامی محفوظیتی کافل سواثقک تجلیسنه موفقیت حاصل اولدی .

بومطالعات قیماً خرسیتیاناق عالنه عائد وزم تاریخ دینیمزدن متباعددر. دین اسلام، تابدایت انتشارندن بری حقوق بشرک کافل وعاملی اولارق طامش ، متجبریه قارشى ضعفاى جناح حمایتنه الهرق استبدادک اقام اصایه سی قیرمغه سائق اصلی اولمشدر .

اخلاق عالیة اسلامیه نك تجلیکاه عظمتی اولان بوزمانلرک وقایع حیرت بخشایى تاریخ اسلامک سطور ناقله سنه زینت بخش عبرت وابتصار اولمقددر. حسیات بشریه نك سواثق وتقلبات ازمان ایله تحولات متوالیه یه معروض قالدینی زمانلردن اعتباراً ایسه حقوق بشرک محافظه سی ایچون باشلی باشنه قانونلر تنظیمنه احتیاج کورلمکه باشلادیچون بوقدم حقوقک ، قوانینک مراقبه دائمه وشیده سی انتده بولندیرلمسینه لزوم کورلدى. اساس اعتباریه ازاده تجاوز اولدی لازم کلن حقوق مبحوثه نك قانونلرله تأکیدینه مجبوریت ایویردی . بز بوسطرلرله سرنامه اتخاذ اولنان محبوسیت نامشروعیه قارشى حریت شخصیه نك صورت وقایه سی نقطه سنده احکام قوانینمزک استناد ایلکده اولدینی دسانیری عرض وایضاح ایله مطالعات قاصرانه مزى بیان ایتمک ایسترز: حریت شخصیه نك کافل وضامن اولینی، مات عثمانیه ایچون مدید وظلم آلود سنه لرك محصول هجران وتربیتی اولان محترم قانون اساسیسمزددر. احکام مقدسه دینیه مزک اوامر صریحه سنه ضمیمه نشر واعلان بیوریلان حقوق مقدسه بشرک تعرضدن مصونیتی قاعده سی بوقانونله تحکیم اولنورق ارتق حقوق افراده برمجرای وضوح تعیین اولندی .

« مابعدی وار »

جريدة عدليه محررلرندن

م. اشرف

اعلان

استرانجه قریه سی ساکنه لرندن طؤدوسییه خاتونك فیلیاکی ذمتنده معلوم المقدار الاجنی اولان مبالغك تأمین استیفایى ضمانتده مدیون متوفانك عهدۀ تصرفنده کی محجوز سرای یولنده اون سکز دوئم ترلانك نصفی قورتیلیق موقعنده ایکی دوئم باغك نصفی اندیریقو دره سی موقعنده ایکی بچق دوئم ترلانك نصفی قوز دره موقعنده یکریمی دوئم ترلاده درت حصه اعتباریه بر حصه سی ایازمه موقعنده یکریمی دوئم ترلانك طالبی اوزرنده احاله اولیه سی اجرا قانمش ایسه ده یوزده بش ضمیمه طالب اولانلرک چتالجه اجرا دائره سنه مراجعت ایتلری اعلان اولنور. ۲۳ کانون ثانی سنه ۳۲۵

* *

درسعادته بالق بازارنده نوشهرخانی اتصالنده کی مغازده ساکن ایکن تجارت بحریه محکمه سندن افلاسنه حکم اولنش اولان قومیسینوئچی وپولیچه جی لیغور الغتر وپولوسک خصوصات افلاسیه سنك رؤیت وتسویه سی صمننده دعوی وکیللرندن یورداناکی یوسفیدی وحسن خیری افندیلر اصالة سندیک تعیین قلمش اولدقلرندن مفلس مرقوم ذمتنده آله جنی اولنلرک قانوننامه تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن اعتباراً یکریمی برکون ظرفنده سنداتی محکمه کاتبه تسلیم ایلملری ومدت مذکوره ختامندن صکره اوچ کونده یعنی بیک اوچیز یکریمی بش سنه سی شباطنک بکرمنجی جمعه ایرتسی یکریمی ایکنجی بازار ایرتسی یکریمی اوچنجی صالی کونلرنده تجارت بحریه محکمه سنك افلاس او طه سنه کلهرک سندیک افندیلر مواجه سنده آله جقلرینی اثبات وقید وتصدیق ایتدیرملری ومدت مذکوره ده اثبات وجود ایدهمیان الاجقلیلر حقنده قانون مذکورک ۲۱۰ نجی ماده سنه توفیقاً معامله اولنه جنی اعلان اولنور. ۱ شباط سنه ۳۲۵

* *

عائشه بیکناز خاتمک عهدۀ تصرفنده اولوب صدق افندی نامنه باسند ظاهرده قطعی حقیقته رهن اولوب فروختی حکم اعلام اقتضاسندن بولنان درسعادته سلطان سلیم جوارنده مسمار شجاع الدین محله سنده مسمارجی یقرشنده مکرردرت نومرو ایلهمرقم براب خانه نك تاریخ اعلاندن اعتباراً اون بش کون صکره بالمزایده فروخته نشبث اولنه جفتدن اشتراسنه طالب اولانلرک ودها زیاده معلومات آلق ایستیانلرک اسکدار بدایت محکمه سی اجرا دائره سنه مراجعت ایتلری اعلان اولنور. ۳ شباط سنه ۳۲۵

ادرمید قصبه سنک حکیمزاده محله سنده خواجهزاده تجارندن حامی افندیك محله مذکوردهن متوفی
جیان اوغلی ابراهیم آغا ذمتده محکوم به آله جنی اولان مبالغ معلومه نك تأمین استیفایی ضمتده حیز ایدیلان
محله مذکورده کائن طرفلری آغا جامه شیرینی امامی حسن افندی و حلواجی حسن افندی خانلری وطریق
ایله محدود مع مشتملات بر باب خانسی ایکیدیک و ابراهیمیه قریبسی مزارانی جوارنده وقف زیتون بیچه سی
و حلواجی عبده زیتونلکی و همت اوغلی الیاس باغی وطریق ایله محدود اتی دونم باغ و زیتونلکی بیک
یدی یوز و قارجی چارلری نام محله واقع شیخ محمد آغا یشلکی وطریق ایله محدود بش دونم باغ و زیتونلکی
ایکی بیک یدی یوز غروش بدللریله طالی عهده شده تقرر ایدوب موقت قرار داده سی کشیده قلمغله تاریخ
اعلان اعتباراً اوتوز برکون صکره قرار قطعسی اجرا قانیه جفتدن یوزده بش ضمیمه ودها زیاده طالب
اولانلرک ادرمید اجرا دائره سنه مراجعت ایللری اعلان اولنور . ۳ شباط سنه ۳۲۵

بیک اوچیوز یکریمی درت سنه سی تشرین اولنک اون یدنجی جمعه ایرتسی کونی ساعت بش راده لرنده
مرجانده سرکزا خانده کورجی محمدک تحت استیجارنده بولان برنومرولو اوطه قوسنی آلت مخصوصه ایله
قیردرق ایقاع سرقته جرأت ایتدیکی ادعاسیله متهم بولان وازمیرلی اولوب طوپخانه ده حفا نلر ایچنده روسیه
اوتلنده اون سکیز نومرولی اوطه ده اقامت ایتکده اولدیغنی افاده ایتش والیوم حال فرارده بولنش اولان
چرکس محمد بن عثمان حقهده اصول محاکمات جزاییه قانوننک ۳۷۱ نجی ماده سی موجبجه معامله مقتضایان
و محاکمه غیایه سی بالاجرایتیه سنده مرقومک فعل مذکور اجتناساری ضبطورقه سی مندرجاتی و شهادات وسائر
دلائل ایله ثابت اولهرق قانون جزانک ایکی یوز یکرمنجی ماده سی حکمنه توفیقاً درت سنه مدتله کورکه
قونله سنه و اوتوز برنجی ماده منظوقجه حقوق مدنیهدن اسقاطیله اموال محجوزه سنک اداره ایتدیرلمسنه
محکمه جانیندن حکم اولمش و اصول محاکمات جزاییه قانوننک ۳۷۷ و ۳۷۸ و ۳۸۱ نجی ماده لرله مواد
سائر سی احکامنه توفیق معامله اولمش مرجعه بیلدیرلش اولقله مذکور ۳۷۸ نجی ماده نك جمله احکامندن
اولدینی وجهله اعلان کیفیت ایتدار قاندی . ۴ شباط سنه ۳۲۵

صالحم سکودده بویاجی یورکینک دکانده مقیم دیمتری و خریستینک با سند مصدق وکیل طودورا کی
امضاسیله ۱ شباط سنه ۳۲۵ تاریخنده در سعادت بدایت محکمه سی ایکنجی حقوق دائره سنه اعطا اولان
عرض حالده موکللری مرقومانک انتقالاً متصرف اولدقلری ارنبود کوبنده کلیسا میداننده ایکی نومرولو
بر باب عرصه اوزرینه متوفی یانینک حال حیاتنده وضع ایتدیرمش اولدینی حیزک فکی حقهده متوفا حاجز
مرقوم یانینک وارثی صوجی دیمترینک مجبوریتی خصوصنک تحت حکمه التمنی دعوی ایتش و مرقوم دیمترینک

اقامتگاهی مجبور اولاق حبسیله مذکور عرض حالک بر قطعه صورتی اولابده تنظیم اولانسان دعوتنامه ایله
محکمه دیوانخانه سنه تالیق قلنهرق محاکمه نك رؤیتی اوچیوز یکریمی اتی سنه سی مارت رومینک ایکنجی
مالی کونه قرارلش دیرلش اولدیغندن یوم مذکورده مرقوم دیمترینک بالذات محکمه یه گلی و یاخود طرفندن
بر وکیل کوندرسی و عکسی حانده حقهده معامله غیایه اجرا ایدیله چکی معلوم اولاق اوزره اصول محاکمه
حقوقیه قانوننک یکریمی اتنجی ماده سنه توفیقاً اعلان کیفیت اولنور . ۴ شباط سنه ۳۲۵

اوچیوز یکریمی درت سنه سی اغستوسنک سکیزنجی جمعه کونی صباحلین سلطان احمدده اوچلر جاده سنده
توتونجی محمد اغانک ایکی نومرولی دکانندن سرقته تصدی ایتدیکی ادعا قانمسندن طولای مظنون علیه اولوب
هیئت اتهامیه جه جانیته اتهام اولنهرق حقهده اخذ و گرفت امری و برلش اولان واشکالی غیر مضبوط بولان
برمق قپوده علی اغانک خانده و یاخود ایرخاد بازارنده ایرانی محمدک قبهه خان سنده مقیم سبزه واتجی آنقره لی
مصطفی بن سلیمان الیوم اثبات وجود ایتهمش اولدیغندن اصول محاکمات جزاییه قانوننک اوچیوز یتش برنجی
ماده سی موجبجه محکمه یه گلی ایچون اشو تاریخندن اعتباراً جانب ریاستدن مجدداً اون کون مهل ویرانکله
اشبومدت ظرفده کلدیکی حالده کندوسنه قانونه اطاعت ایتهمش نظریله باقلهرق محاکمه سنک غیایه بالرویه حقوق
مدنیهدن اسقاط و اموالی حیز اولنهرق و بوائنده برکونه دعوی اقامه سنه حق اولامیه جفتی و عایهنده دعوی
قیام ایدیله چکی کی بولندینی محلی بیلنلرک خبر ویرمکه و بالجله ضابطه عدلیه مأمورلرینک کندوسنی در دست
ایتمکه مجبور اولدقلری مبین اشو قرارنامه اصول محاکمات جزاییه قانوننک اوچیوز یتش ایکنجی ماده سنندن
استنباط اولان احکامنه توفیقاً تنظیم و معامله حیزیه حقهده تباینت مقبضیه سنک اجرا وسائر معاملات ایضا
اولمش ایچون نسخه کافیه سی مدعی عمومیا که تودیع قلدینی اعلان اولنور . ۶ شباط سنه ۳۲۵

بک اوغلنده تپه باشنده مزارلق زقاعنده بش نومرولی خانه ده مقیم اصحاب املاکدن و فرانسه دولتی
تبعه سنندن موسیو آلفرد غلاوانینک مقدما بشکطاشده قوناقلرنده ساکن ایکن فی الحال اقامتگاهی مجبور بولان
ابوالهدا زاده حسن خالد بک علیه اولهرق برنجی محکمه تجارتده اقامه ایدلیکی دعوی ۳۲۶ سنه سی مارت
رومینک بازار ایرتسی کونی رؤیت ایدیله چکن مومی الیه حسن خالد بکک یوم مذکورده ساعت سکیزده محکمه
مزبورده حاضر بولمش و یا مصدق سند ایله طرفندن بروکیل کوندرسی لازم کله چکی و شاید کلز و یا وکیل
دخی کوندرمىز ایسه مدعینک وقوعبوله حق طالی اوزرینه عن الغیاب رؤیت دعوی ایتدار قانیه جفتی معلوم
اولاق اوزره تنظیم قانان اشو دعوتیه ورقه سی اصول محاکمه تجارت نظامنامه سنک یکرمنجی ماده سننک
در دنجی فقره سنه توفیقاً علی الاصول محکمه دیوانخانه سنه تالیق قلدینی کی اوراق حوادث واسطه سیله دخی
اعلان اولنور . ۶ شباط سنه ۳۲۵

خرستونك شريف پاشا زاده عاطف بك ذمتده اسكدار بدایت محكمه سی اعلامیه غیر از استیفا محکوم به مطلوبینك تأمین استیفا بیچون تحت حجزه آلتان اسكدارده مراد سائیس محله سنده هام زقاغنده مکرر اوتوز درت نومرو ایله مرقم مقدما بقال والیوم فوقده بر او طه و آره انی حاوی بر باب قهوه دكانك تاریخ اعلاندن اعتباراً اون بش کون صکره بلزایده فروخته تشبث اولنه جفتدن اشتراسه طالب اولانلر ودهازایده معلومات آلق استیانلرک اسكدار بدایت محكمه سی اجرا دائره سنه مراجعت ایلمری اعلان اولنور .

۶ شباط سنه ۳۲۵

باغچه قپوسنده صراف وتوتونچی یورغا کینک تحافچی طناشا کی بز اوغلی علینه در سعادت بدایت محكمه سی برنجی حقوق دائره سنده اقامه ایلمکی بدل ایجار و تخلیه دعواسنك اوچیوز یکریمی الی سنده سی مارتنك اون بشنجی بازار ایرتسی کونی رؤیت اولنه جفته دائر تنظیم اولنان دعوتیه ورقه سی اولاباده کی استندتا صورتیه معاً مرقومك غیوبت ایدرك البوم محل اقامتک مجهول بولندینی تحققی ایلسندن طولانی اصول محاکات حقوقیه قانونك یکریمی التجی ماده سی احکامنه توفیقاً محكمه دیوانخانه نه تعایق اولندیغندن مومی الیهک یوم مذکورده ساعت سکز راده لرنده محکومه اثبات وجود ایتسی وکلدیکی طرفندن بروکیل کوندرمدیکی تقدیرده حقنده قانون مذکورک یوز قرق بشنجی ماده سی موجبنه معامله غیاییه اجرا قلنه جتی اعلان اولنور .

۷ شباط سنه ۳۲۵

محمد وعزیز اغلرک آرابه جی اصنافندن کامل انا ذمتده بشقه بشقه اعلاماته محکوم به آلا جقلمری اولان مبالغ معلومه نك تأمین استیفا سی ضمتده مدیون مرقومك مالی اولوب محجوز و فروختی مقرر بولنان بر عدد مستعمل قوپه آرابه سی شباط رومینك اون برنجی پنچشنبه کونی قاضی قریه سنده قوش دیلنده آرابه بویاجیسی عزیز افندینك دکانی اوکنده ساعت اتیدن بدی یه قدر بلزایده فروخت اولنه جفتدن طالب اولانلرک یوم وساعت مذکورده محلنده بولنه جق مأمورینه مراجعت ایلمری اسكدار اجرا دائره سندن اعلان اولنور .

۹ شباط سنه ۳۲۵

توخاری وواسیل و سلطانه و الیساوت وانستاسیانك وکیلی کرویپه خیطیان افندی طرفندن بك اوغلی بدایت محكمه سی برنجی حقوق دائره سنه ویریلان ۶ شباط سنه ۳۲۵ تاریخی استعداده غلطه ده موخانه ده ساکن ایکن ایوم اقامتکاهی مجهول اولدینی ایکنجی تجارت محكمه سی اعلامندن اکلایشیلان پوسکلی ویانچی اوغلی قومپانییه سی طرفندن موکلرینك مورثی متوفی یورکینك محال معلومه ده کائن باغ و باغچه محللری

اوزرینه آله جق ادعاسیه وضع ایتدیریلان حجزک فکی طایله مذکور شرکتک اعضاسندن سیمونا کی افندی حقنده اقامه اولنان دعوان ناشی اصول محاکمه حقوقیه قانونك ۲۶ نجی ماده سنك فقره اخیریه سی حکمنه توفیقاً امر بناینگ اعلاناً اجرایی طاب واقع اوزرینه بالتذیب اجرای محاکمه سی کله جک اوچیوز یکریمی آلتی سنده سی مارتنك برنجی بازار ایرتسی کونی ساعت سکزده قرار اشدیریلر ق اولاباده تسطیر و املا قلنان ورقه دعوتیه ایله استدعا صورتی محكمه دیوان خانه سنده تعایق ایلمش اولدیغندن مومی الیه سیمون افندینك یوم ووقت مذکورده محکومه حاضر بولنسی لازم کله جکی و بولندینی ویا مصدق سندله بروکیل کوندرمدیکی حالده مدعیلر وکیلنك طایله دعوی مذکورده نك غیایاً رؤیت وفصل اولنه جتی بیانیله اعلان کیفیته ابتردار قلندی . ۱۰ شباط سنه ۳۲۵

در سعادتده آیارمه قپوسنده و غلطه ده یورغانچیلر جاده سنده ایکی نومرو لو مغازده ده مقیم مالزمه انشایه تاجری حاجی باغدا صار دکر منجیان و خدوملری شرکتک اسكدارده بلغورلی قریه سنده مقیم شیخ الاسلام اسبق حسام الدین افندی کریمه سی مکرم و مومی الیهانک کریمه سی عایشه صدیقه خانملرله مکرم خانک خدومی مصطفی عاطف و محمد واحد بکلر و دیگر کریمه سی استانبولده معجونچی جوارنده خدیجه فریده خانم ذمتلرنده تجارت بحریه محكمه سندن صادر اولان و علی الاصول صورتی ۳۰ تشرین ثانی سنه ۳۲۵ تاریخده مدیونلرک اقامتکاهلری مجهول بولنق ملا بسه سیله اعلاناً تبایغ قلنان ۲۲ تشرین اول سنه ۳۲۴ تاریخلو اعلام غیابی موجبنه محکوم به اله جتی اولان یوز عدد عثمانلی لیراسنك گذشته و مصارف محاکمه سیله برابر اشبو شباط رومینك اون ایکنجی کونندن اعتباراً طقسان برکون ظرفنده مدیونان مومی الیهانک موقع اجرایه مراجعتله تسویه وایفا ایلمری و بوباده قانوناً قبوله شایان بر دیه جکلری اولدینی تقدیرده مدت مذکورده ظرفنده تحریراً بیان ایتلمری لازمکله جکی و مدت مذکورده مرورنده تسویه دین اولندینی و برشی دخی بیان ایدلمدیکی تقدیرده اله جقلى طرفندن وقوع بوله جق طلب و تشبث اوزرینه قانوناً لازمکلان معامله نك اجراسنه مبادرت اولنه جتی معلوملری اواق اوزره اشبو اخبارنامه ایوم اقامتکاهلری مجهول بولندینی جهتله اجرا قاننك یکریمی طقوزنجی و اصول محاکات حقوقیه نك یکریمی التجی موادینه توفیقاً مومی الیهمه تبایغ اولمش عد اولنق اوزره تجارت اجرا دائره سی دیوانخانه سنده تعایق اولندینی کی غزته لرله دخی اعلانه مبادرت قلندی .

۱۱ شباط سنه ۳۲۵

نیقوله قوادسی و زوجیه سی ماده مایومه نینك بلچیغادواتی تبعه سندن موسیو عود فرووا اورباقه برنجی محكمه تجارت اعلامیه محکوم به دینی اولان بیك یوز لیرانك تأمین تسویه سیچون داین مومی الیه عهده سنده

۱ وفاء مفروغ و مرهون بولنان بك اوغلنده حسين اناجخانه سنده جوا زقاغنده طقوز نومروايه مرقم اون او طه صوفه و مرمر دوشه لي بر حولي و بر مطبخ و بر تراجه و بر صو خزينه سي و مشتعلات سائري جاي سنوي يوز يكرمي ليرا ايجارلو كار كير برباب خانه ك فروختي تحت قراره انمش اولغله بر موجب قرار مذكور خانه تاريخ اعلاندن اون بش كون صكره موقع مزايديه وضع ايديله جكندن اشتراسته طالب اولانلرك ودها زياده معلومات المقي استيانلرك محكمه تجارت اجرا دائره سنده مراجعت ايللري دائره مذكوره دن اعلان اولنور ۱۰ شباط سنه ۳۲۵

بلچيقا دولتي تبعه سندن موسيو پيراور باقه اولان دين محكومك تايمين تويه سيچون ادهم اغانك ارن قريه سنده قوزيتاغى موقعنده واقع اوچ واون درت نومرولى سندات موجبنجه عهده تصرفنده بولنان معلوم الحدود ايكي قطعه ده يدي دوئم ترلار ينك فروختي تحت قراره انمش اولغله مذكور ترلار تاريخ اعلاندن اعتباراً اون بش كون صكره موقع مزايديه وضع ايديله جكندن اشتراسته طالب اولانلرك ودها زياده معلومات المقي استيانلرك محكمه تجارت اجرا دائره سنده مراجعت ايللري دائره مذكوره دن اعلان اولنور ۱۰ شباط سنه ۳۲۵

بدوسك بوياجي كوينده ازمني محله سنده ساكنه واسيلكي قادين عليه در سعادت ايكنجي تجارت محكمه سنده اقامه ايلديكي سكر بيك غروش آله جق دعواسندن طولاني يوم محاكميني مشعر ارسال قلنان دعوتيه ورقه سي ظهرينه محله مذكوره مختاري حاجي ارتين افندي طرفندن يازيلان شرحه مذكور محله ده بو نامه كيمسه بولمديني بيان ايدلش ومدعي مرقوم مدعي عليها واسيلكي قادينك اقامتكا هي مجهول اولديني جهته اوراق حواذله اعلاناً تبليغات اجراسني طاب ايمش وطاب واقع اصول محاكمه حقوقيه قانونيك يكرمي التنجي ماده سنك فقره اخيره سي حكمه موافق بولمش اولغله محكمه رياستك امري ايله بو باده كي ورقه دعوتيه ايله استدعا صورتى محكمه ديوانخانه سنده تليق ايدليكي كي يوم محاكمه اواهرق معين بولنان اوچيوز يكرمي التي سنه سي مارتك دردنجي پنجشنبه كوني ساعت درت راد بلرند مزبوره واسيلكي قادينك بالذات محكمه يه كلي وياخود مصدق سنده بروكيل كوندرمى لزومي وعكسي تقديرده مدعينك طلبيله معامله قانونيك اجرا اوانه جني اعلان اولنور ۱۱ شباط سنه ۳۲۵

معارف نظارتى وكلي بهرام افندي امضاسيله در سعادت بدايت محكمه سي ايكنجي حقوق دائره سنده اعطا قلنان ۳ شباط سنه ۳۲۵ تاريخلى عرض حالده دارالشفقه تحصيلدارى متوفى ابراهيم افدينك مكتب مزبوره ديني ايدوكي نظاهر ايدن ايكي يوز تمش درت بيمك درتيوز اللى درت بچق غروشك مومي ايله ابراهيم بك وكفيل متوفى مصطفى مظهر بكك ورثه سندن كريمه خايم وكال بك ايله ورثه مزبوره دن اقامتكا هي مجهول

اولديني بيان اوانان اقبال وهبة الله خانلردن تحصيل طلب ودعوى ايدلش ومذبور تان اقبال وهبة الله خانلرك اقامتكا هي مجهول اولقى حسييله اولبايده تنظيم اولنان دعوتنامه لر ايله استدعا صورتلري محكمه ديوانخانه سنده تليق قلنهرق محكمه نك رؤيتي اوچيوز يكرمي التي سنه سي شهر مارت رومينك طقوزنجي صالى كونه قرارلشديراش اولديغندن يوم مذكوره مذبور تانك محكمه يه كلي وياخود طرفلردن بروكيل كوندرمى وعكسي تقديرده معامله غيايه اجرا ايديله جكي اصول محكمه حقوقيه قانونيك يكرمي التنجي ماده سي موجبنجه اعلان اولنور ۱۱ شباط سنه ۳۲۵

يائينك آندون ذمتنده كي مطلوب محكوم بهنه مقابل نامنه وفاء مفروغ و فروختي محكوم واطفال خسته خانه سنده كساد ايدلش اولان طريقه كاملاً قاب وعلاوه ايدان شيشا يده بك اوغلي جاده سنده مكرر يوز اوچ نومرولى سكر يوز سكران زراع ميمارى مقدارى سلطان بايزيد خان ولى وقفندن قاسم پاشا جبايته مربوط برقطعه عرصه تاريخ اعلاندن اون بش كون صكره بالمازيده فروخته ابتدار اوانه جغندن طالب اولوب دها زياده معلومات المقي استيانلرك بك اوغلي اجرا دائره سنده مراجعت ايللري اعلان اولنور ۱۰ شباط سنه ۳۲۵

كاظم افندي ايله فردوس ونسيه خانلرك متوفى على بك ذمتنده آله جقلى اولان مبلغ معلومه نك تايمين استيفاسي ضمننده مديون متوفاك زوجيه سي مهرية خانك وراثه متصرف اولوب تحت حمزه النان بيوكدرده دامسقا زوقاغنده جديد ۲۲ نومرولو تختاني ونوقاني اوچ او طه بر جهانما وقيو وبغچه يي مشتمل وشهري برليرا بدل ايجاره متحمل صرف ملك برباب اخشاب خانه سي لى المزايدة سكر بيك غروش آلتون اچقه بدل ايله طالبي عهده سنده تقرر ايدرك موقت قراردادده سي كشيده قانمش اولديغندن تاريخ اعلاندن اعتباراً اوتوز بركون ظرفنده لاقل يوزده بش ضميله طالب اولانلرك يوزده اون نسبتنده كي باچقهرليني مستصحباً بك اوغلي اجرا دائره سنده مراجعت ايللري ومدت مذكوره نك ختامه مصادف اولان شهر مارتك اون طقوزنجي جمعه كوني ساعت التي قرارلرند ذكر اولنان خانه پيشگاهنده مأمورى مواجهه سنده حاضر بولملري دائره مزكوره دن اعلان اولنور ۱۵ شباط سنه ۳۲۵

أره ووم پايديان افدينك موبيله جي نشان اذاولدارتين ذمتنده كي بك اوغلي بدايت محكمه سي ايكنجي حقوق دائره سندن صادر اولان ۱۰ اغستوس سنه ۳۲۵ تاريخلى اعلام موجبنجه محكوم به مطلوبك استيفاسي ضمننده بك اوغلنده والده چشمه سي جاده سنده وفاء مفروغ بولنان يدي او طه بر مطبخ برقو و بر صهر نچ ايله يكرمي درت زراع وبغچه يي مشتمل نيم كار كير وسنوي اوتوز التي ليرا بدل ايجاره متحمل برباب خانه نك اولبايده كي حكم اعلام موجبنجه اون بش كون صكره بالمازيده فروخته ابتدار اوانه جغندن طالب اولانلرك بك اوغلي بدايت محكمه سي اجرا دائره سنده مراجعت ايللري اعلان اولنور ۱۵ شباط سنه ۳۲۵

